


**TRUTH  
CENTERED  
TRANSFORMATION**

**MODULE 2**



**HUMAMBO HWAMWARI**

**BHUKU REMUDZIDZISI**

Kushandurwa Kwepachokwadi - Bhuku 2: Humambo HwaMwari v3. Copyright ©2012 Reconciled World, Phoenix, Arizona, United States of America. [www.reconciledworld.org](http://www.reconciledworld.org)

Basa iri rakavapo nezvitsungo zveCreative Commons Attribution-Share Alike 3.0 license. Unobvumidzwa uye kukurudzirwa kurishandisa serako, kukopera, worifakaza uchitevedzera zvisungo zvinotevera:

**Taridza Muridzi Wechinyorwa** – Ratidza muridzi wechinyorwa nekuisa manzwi aya: Copyright © 2012. Vakatsikisa Reconciled World ([www.reconciledworld.org](http://www.reconciledworld.org)) vari pasi pezvisungo zveCreative Commons Attribution-ShareAlike 3.0 license. Kana uchida kuziva zvakawanda tarisa [www.creativecommons.org](http://www.creativecommons.org).

**Non-Commercial** -- Haungazoshandise chinyorwa ichi kutsvagisa mari.



Kana uchida kuisa chinyorwa ichi mune rumwe rurimi, taura [neveinfo@tctprogram.org](mailto:neveinfo@tctprogram.org). Mavhesi ose, kunze kwepazvakataridzwa, akatorwa kubva muBhaibheri Dzvene, New International Version®, NIV®. Copyright ©1973, 1978, 1984, 2011 by Biblica, Inc.TM rakashandiswa nemvumo yeZondervan. All rights reserved worldwide. [www.zondervan.com](http://www.zondervan.com) The “NIV” and “New International Version” are trademarks registered in the United States Patent and Trademark Office by Biblica, Inc.TM

# Kutenda

Pfungwa dziri muchidzidzo chino hadzisi dzangu. Senguva dzose, ndiri kutsamira nekuumba pamapfudzi kwevakanyora kare. Chinyorwa chino chakafemerwa nebasa reDisciple Nations Alliance ([disciplenations.org](http://disciplenations.org)). Makereke mazhinji aishandisa chidzidzo akandibatsira kuvandudza zvidzidzo kupfurikidza neongororo yavo kana kusanzwisisa kwavo zvachose. Ndinovapa kutenda uye nekunzisisa kwavo kusinaperi apo ndaidzidza kutaura nezvechokwadi nenzira iri nyore kuti zvishandisike.

Zvizhinji zviri muchidzidzo chino zvakatora pfungwa kubva mubhuku raBob Moffitt rinonzi “If Jesus was Mayor.” Pfungwa nemifananidzo zvezvidzidzo 2, 5 and 6 zvaknyatsotorwa mubhuku iri. Chidzidzo 3, Zvakakosha MuHumambo, chakafemerwa nechidzidzo cheBhaibheri “God’s Unshakable Kingdom” (Kingdom Lifestyle Bible Studies) chakanyorwa naDarrow Miller, Bob Moffitt and Scott Allen.

Nyangwe zvazvo kufemerwa kwechinyorwa kuchibva kune vamwe, zvakakanganiswa ndiobvuma ndezvangu. Ndibatsireiwo ndizive kana pane mimwe mifungo ingaite tivandudze zvinyorwa izvi.

# Zviri Mukati

<b>Chidzidzo Chekutanga: Humambo HwaMwari .....</b>	<b>3</b>
Chii Chinonzi Humambo HwaMwari.....	3
Kuterera pazvinhu zvose.....	4
Vaka Humambo HwaMwari .....	5
<b>Chidzidzo Chepiri: Humambo Hwemunharaunda.....</b>	<b>6</b>
Humambo panopasi.....	6
Mwari Samambo wenharaunda dzedu .....	6
Jesu semutungamiri Munharaunda dzedu .....	7
Shanduko munzvimbo ina munharaunda dzedu.....	8
<b>Chidzidzo Chetatu: Zvakakosha Muhumambo.....</b>	<b>10</b>
Hwaro neMidzi.....	10
Kuita zvinodiwa neshoko pazvinhu zvehupenyu hwedu zvese....	Error! Bookmark not defined.
Kutsvaka mkitemo yaMwari.....	Error! Bookmark not defined.
<b>Chidzidzo Chechina:Zvakakosha muhumambo pamwe nebasa .....</b>	<b>14</b>
Basa semaonerwo arinoitwa muBhaibheri.....	15
Mhando dzebasa .....	Error! Bookmark not defined.
Mwari vane hanya nemaitiro atinoita basa redu.....	Error! Bookmark not defined.
<b>Chidzidzo chechishanu: Kuvaka Humambo HwaMwari .....</b>	<b>19</b>
Zvinotanga Nesu.....	Error! Bookmark not defined.
Nharaunda Yashandurwa .....	19
Tingashandura Sei Nharaunda Yedu?.....	20
Mukoma Lawrence.....	21
Kubva kudungamunhu Kuenda Kumhuri Kuenda kunharaunda .....	22
Mhuri.....	23
Nharaunda .....	23
Mimwe mienzaniso yevanhu vakavaka Humambo HwaMwari .....	25
Ungavasei movaki Wehumambo .....	Error! Bookmark not defined.
<b>Chidzidzo chechinhanhatu: Basa Rekereke pakuvaka Humambo HwaMwari.....</b>	<b>29</b>
Kubatsira Dungamunhu.....	Error! Bookmark not defined.
Sei vanhu vese vachifanira kubatsira? .....	31
Kushandura mhuri .....	Error! Bookmark not defined.
Kushandura Nharaunda.....	Error! Bookmark not defined.
<b>Chidzidzo chechinomwe: Nhau yehushumiri hwechokwadi .....</b>	<b>35</b>
Muono wehurongwa .....	Error! Bookmark not defined.
Kusimbisa makereke.....	Error! Bookmark not defined.
Kushandura Nharaunda.....	Error! Bookmark not defined.
Nzvimbo dzinoda shanduko .....	Error! Bookmark not defined.
Nzira .....	39
Misoro yedzidziso dzekumberi .....	Error! Bookmark not defined.
<b>Chidzidzo chechisere: Nhanho dzinotevera.....</b>	<b>40</b>
Sei kuronga kwakakosha.....	Error! Bookmark not defined.
Misangano .....	Error! Bookmark not defined.
Mabasa Erudo.....	Error! Bookmark not defined.
Nhanho dzekuita basa rerudo .....	Error! Bookmark not defined.

# Usati watanga

## Kugadzirira chidzidzo

---

1. Nyatso verenga bhuku remudzidzisi, kanazvibvira kakati kuti. Tara nekeunyora zvibodzwa kumapeto kuti ugorangarira zvakanakisha.
2. Tarira **Zvinangwa** zvechidzidzo choga choga kuti ugoziva zvingadzidwe nomudzidzi pachidzidzo choga choga.
3. Verenga magwaro **eshoko** ose nenguva.
4. Tarira zvingadiwe pachidzidzo choga choga uye oona kuti wagadzira mabhuku evadzidzi akakwana uye ogadzira mifananidzo ingabatsire ikushandiswa pachidzidzo.
5. Oona kuti ukuziva mitambo yechidzidzo.unokwanisa kusanzvira nemhuri yako kana neshamwari.
6. Tora nguva yekunamata kuti Mwari vagaries vadzidzi vanzwe zvinoda kutaurwa naMwari uye kuti vakubzisa mukudzidzisa.Rangarira kuti kushandurwa kwevanhu kunoitika kuburikidza nesimba raMwari.

## Zvinhu zvingabatsira kudzidzisa

---

1. Kurumidza kusvika woisa zvinhu zvako zvokushandisa panzvimbo yaunenge uchishandisa.
2. Usamhanya kuzvinhu zvokushandisa. Ronga nguva yakakwana yokukurukura, mitambo, nezororo. Donzvo nderekuti vanhu vawane nguva yekunzwisisa nekubatirana pakudzidza. Dzidzisa chidzidzo chega chega uchiona kuti vadzidzi vanzwisisa. Zvimwe zvidzidzo zvinotora zuva rose.
3. Tarira nguvanenguva.Pakutanga kwechidzidzo chega chega iti dzokororo yezvakadzidzwa.Kudzokorora kunobatsira vanhu kurangarira zvavakadzidza.
4. Tevedzera bhuku romudzidzisi pamwe nezvawakagadzirira iwe.
5. Wongorora zvehokwadi kuti waisa nzvimbo ina dzese dzechidzidzo.
  - a. Tangisa chidzidzo-mitambo inobatinidza zvidzidzo nezvakasangana nazvo muhupenyu.
  - b. Vape zvinhu zvitsva-pane nzira dzakawanda dzekugovedzana zvinhu zvitsva.
  - c. Ipa vadzidzi zvinhu zvinoenderana nezvavadzidza, mitambo inoita kuti vavandudze nekunzwisisa zvinhu zvitsva kuburikidza nekushanda nevamwe kugadzira chinhu chinhu chitsva kana kuti kushandisa zvitsva izvozvo neimwe nzira.
  - d. Batanidza zvinhu zvitsva izvozvo nehupenyu hwavo-ndonzira yekuzviisa mukati mehupenyu hwavo iyoyo ndozvinovabatsira kuzoisa zvole zvavanenge vadzidza muhupenyu hwavo.Kudzidza tisingaise muhupenyu hapana zvazvinoburitsa kana shanduko inobatsira haibude.
6. Tarira zvidzidzo zvehwaro yevakuru nezvimwe zvinobatsira kudzidzisa zvavakadzidz.
  - a. Ipa tsanangudzo dzekwatirikuenda
  - b. Bvunza mibvunzo yakawanda
  - c. Tenda vadzidzi nekubatirana muhurukuro
  - d. Usaudza vanhu zvavanokwanisa kudzidza nekuona pamwe nekuita

- e. Umba hwaro hwako panezvinozivikanwa nevanhu kare uye oziva zvavanogona
  - f. Mirira kuti vanhu vapindure
7. Kurudzira munhu wese kuti abatirane, nekugovedzana pahurukuro. Tsvaka nzira dzekukurudzira vanonyara kuti vabatirane nevamwe usingavanyadzise.
  8. Namata zuva rose kuti Mwari vakuratidze zvinhu zvitsa kwauri nevadzidzi.

## Ungashandise sei bhuku iri romudzidzisi

---

1. **Donzvo neZvekushandisa:** Chidzidzwo chega chega chinotanga nechikamu ichi.
  - a. **Donzvo** – Vadzidzi vanofanira kugona kuita zvinhu izvi pakupera kwechidzidzo chega chega. Zvakakosha kuzvibvunza kuti zvinangwa izvi zvaitika here wapedza kudzidzisa. Tora nguva kudzokorodza pfungwa huru sezvo zvivabatsira kurangarira.
  - b. **Zvekushandisa** – zvinhu chaizvo zvekushandisa zvakanyorwa pachidzidzo chega chega, zvinosanganisira mabhuku emudzidzi, nezvekuona. Unokwanisa kusarudza kugadzira zvimwe zvemudzidzi wega wega kana kugadzira zvinongodiwa pachidzidzo chega chega. Tinokuridzira kuti uve nemaposita, chidziro chekunyorerwa, nechimwe chekushandisa paboka guru.
2. **Zviziviso kumudzidzisi:** Pane zviziviso zvakakosha pachidzidzo chega chega zvinokubatsira kudzidzisa. Izvi hazvina kugadzirirwa kuti zvigovedzane nevadzidzi. Verenga izvi mberi kuti ukwanise kuzvigadzirira kutungamirira hurukuro nemimwe mitambo. Mimwe mibvunzo ichave nemhinduro yakanyorwa namara maduku akasiyana nemamwe kukubatsira iwe mudzidzisi kuti uzive zvekutora kubva kuvadzidzi. hadzingori mhinduro dzakanaka, asi mhinduro dzakanaka.
3. **Kugona kushandisa nguva nezvimwe:** Nguva hadzinakuiswa pazvidzidzo zvega zvega.
  - a. Tora nguva yaunoona kuti inokukwanira kubatsira vanhu kudzidza pfungwa idzi muzvidzidzo. Zvakakosha kuti tive nehanya nezviku dzidzwa nevanhu kwete kukoshesa kupedza chidzidzo nenguva yakatarwa.
  - b. Rangarira kusiya nguva kuvatungamiriri yekunamata, kugovedzana zvavakaitirwa naMwari, nekukurukura matambudziko pamwe nekugovedzana shoko.

# Chidzidzo Chekutanga: Humambo HwaMwari

## Pfungwa Huru

1. Nzwisisa kuti Humambo HwaMwari uripo kana tichiterera mirairo Yavo
2. Nzwisisa kuti Humambo unokura kana vanhu vazhinji vakaterera Mwari uye isu tikanaso terera chose

## Zvokushandisa

1. Hapana

## Chii chinonzi Humambo HwaMwari

---

Jesu paakafamba panyika akaparidza chinangwa chake. Hurongwa uyu wakataurwa nezvawo kanakwana makumi mapfumbamwe nesere mu testamende itsva. Jesu anoti ndizvo chete zvaakatimirwa uye anotuma vadzidzi vake kuti vanodzidzisa zvimwechetezvo. Pauro akataura nezvazvo uye tinokurudzirwa kuzvinamatira.

- Unoziva kuti chii here?

## Mumapoka madiki kurukurai

Verenga ndima dzinotevera ugopindura mibvunzo:

- Mateo 10:5-8 — Jesu akatuma vadzidzi vake kuno kunodzidzisa nezvei?
- Ruka 4:43 — Sei Jesu wakatumba?
- Mabasa Avapostora 1:3 — Jesu akadzidzisa nezvei pamazuva ake makumi mana okupedzisira panyika?
- Mabasa Avapostora 28:30-31 — Pauro wakadzidzisa nezvei?

Hurongwa hwaMwari ndewe kuvaka Humambo hwaMwari. Sezvatinoona muma vhesi aya, iyi ipfungwa yakakosha yaakadzidziswa nevese Jesu naPauro. Inofanira kutikosherawo isu. Zvisinei, vazhinji vedu hatinzwisie kuti “Humambo HwaMwari” zvinorevei.

- Enda kune mumwe munhu ofunga kuti ungatsanangura sei Humambo HwaMwari kumukirisitu mutsva.

## Govedzana mhinduro dzako neboka rose.

HuMambo hwaMwari hauna kuoma kutsanangura. Humambo hwaMwari uriko kwese Jesu kwaari Mambo uye mitemo yake kwaino tevedzerwa. Kwese kwatinoona vanhu vachifamba mukuterera Mwari vachitevedzera zvido zvake, pane chidimbu chidiki chehumambo hwaMwari. Humambo hwaMwari hauuye mukuzara kwaho kusvika Jesu wadzoka zvakare kechipiri uye zvinhu zvose zvoitwa zvitsva pasina chivi.

Kutibatsira kunzwisisa ngatifunge nezve Thailand. Thailand humambo: vana Mambo uye kana mambo votaura vanhu vose vemu Thailand vanoterera. Akati anofarira ruvara rweyellow, saka vanhu vese izvezvi vanhu vese vanopfeka masheti eyellow musiwemuvhuro. Mudzimai wake anofarira ruvara rwepurple sakavanhu vakupfeka masheti epurple musiwe chishanu. Anokudzwa pamwe nekufarirwa kusvika pekuti akati anofarira ruvara urwu zvino affector mupfekero evanhu.

Makore mashomanani adarika, mauto akatora hutongi muThailand. Pakava nekurwa mumigwagwa. Vaifarira hurumende yamambo vairwisana nevaifarira mauto. Munhu wese waishushikana vachifungidzira kuti zvinowedzera. Asi mambo wakazotaura akaudza vanhu vese kuti vamire kurwa vagadzirire kuita sarudzo. Kurwa nekukakavadzana kwakamira ipapo. Hapana akabvunza mambo, vakangoita zvavakaudzwa namambo, kunyangwe vakanga vachirwadziwa uye vakatsamwa zvakangazvisisina basa. Mambo vakanga vataura uye kufadza mambo kwakanga kwakakosha kudarika zvimwe zvese.

Isu tina Mambowo – Jesu ndiye Mambo vedu. Hatifanire kutsvaka kufadza iye here nekuita zvese zvaanotaura here, zvimwechete nezvinoitwa nevanhu vekuThailand vachida kufadza mambo vavo?

Kana vanhu veku Thailand vachisvika pekuti mambo akati anofarira ruvara urwu zvinoshandura mapfekero evanhu, hupenyu hwedu haufanire kushandurwa nerudo rwedu kuna Mambo Jesu here?

#### **Hurukuro Muboka Guru**

- Tinoshuvira kufadza Mambo here pazvose zvatinoita? Nemhaka yei uye nemhaka yei tisingazviite?
- Ndepapi pamwe muhupenyu hwedu patingateerere Mwari zvirinane?

#### **Kuterera Pazvinhu zvose**

---

Mwari vanoda kuti tivafadze nekuvakudza nguvadzose. Verenga Vakorose 3:17 pamwe netsamba yavaorinde yokutanga 10:31. Mundima idzi dzinotiudza kuti zvose zvatinoita tinofanira kuzviita kuti tiunze rukudzo kuna Mwari. Ndimba dziviri idzi dzinodzokorodza pfungwa yezvese zvatinoita: Kuna vakorose “Pane zvose zvamungaita pama shoko kana pamabasa, zviite muzita ramambo Jesu, uchipa kutenda kuna Mwari baba kuburikidza naJesu.” Kuna vakorinde, “Pamungadya kana kunwa, kana panezvose zvamungaita, itai zvose muchikudza Mwari” Kana chimwe chinhu chadzokorodzwa muBhaibheri, kazhinji zvinoratidza kuti chinhu ichocho chakakosha. Pauro anoda kutiratidza kuti panezvose zvatingaita tinofanira kufadza Mwari.

#### **Hurukuro Paboka Guru**

- Ndezvipi zvinhu zvaunowanzoita pazuva samazuva ose? (zvinyore pachidziro)
- Tingafadza nukuunza rukudzo kuna Mwari patingaite zvinhu izvi? (wongorora chinhu chega chega chawanyora pachidziro.)

Tinofanira kuvasiriyasi pakuterera mambo vedu Jesu nekuvafadza. Mwari vakatiitira zvizhinji, kutumira mwanakomana wavo ega kutifira pamuchinjikwa. Patinga tarira chipo chikuru ichi, tinofanira kushuvira kuterera mirairo yake.



## Vaka Humambo HwaMwari

---

Verenga Mateu 6:9-10.

- Jesu anoti tinamatire chii?
- Tinoona sei kuuya kwehumambo hwake?

Mwari vanoda kuumba humambo hwavo panyika pano. (Humambo hwenyu ngahuhuye.) Humambo hwavo unoumbwa panyika pano nevanhu vanenge vachiita kuda Kwake Mwari. (Kuda kwenyu ngakuitwe.)

Pane nzira mbiri dzatinokwanisa kuumba nadzo humambo hwaMwari. Chekutanga ndechekuwedzera huwandu hwevanhu muhumambo Hwake tichiona vanhu vachiponeswa. Chechipiri ndechekuona kuda kwaMwari kuchitwa kazhinji nevanhu vazhinji. Sezvatakadzidza kuti Jesu wakauya kuzodzoredza zvinhu zvose (Col 1:18-20).

Kanatichida kuona kuda kwaMwari kuchitwa, tinofanira kuona kuti vanhu vazhinji vaponeswa uye vanoterera Mwar, Uye tinofanira kuona kuti vanhu vazhinji vakufamba nekurarama sezvinoda Mwari pazvinhu zvose mukati mehupenyu hwavo.

# Chidzidzo Chechipiri: Nharaunda dzehuMambo

## Pfungwa Huru

1. Nzwisisa kuti, kurarama tichiterera here? Tinofanira kuona nharaunda dzedu dzichiita sehumambo hwaMwari.

## Zvatichashandisa

1. Bhuku 2.1 renyaya dzemunharaunda
2. Mapepa makuru
3. Zvinyoreso

## Humambo paNyika

---

Ungafunga here zvazvinenge zvakaita kuva nehuMambo hwaMwari pano panyika? Mutestamende itsva tinoona mifananidzo mizhinji yevatendi vekutanga kuti vakauya sei vakaumba umambo hwaMwari.

Verenga Mabasa avapostora 2:42-47.

- Chii chakaitwa nevatendi vatsva?
- Zvinhu izvi ndezve mweya here kana kuti ndezvenyama? (zvese)
- Zvii zvakaonekwa?
  - *Hapana wakanga uripakuda, vamwe vanhu vakava tarira nomufaro, vanhu vazhinji vakatendeuka.*
- Zvii zvatinofanira kuona munharaunda dzedu, kana tava nekuwadzana sevatendi vemukereke yekutanga?

## Mwari semutangamiriri wenharaunda dzedu

---

Mwari vakuda kuona nharaunda dzedu dzichikura pakurarama sezvavanoda ivo. Havasi kungoda kuta kuda kwavo kuitwe muhupenyu hwedu chete asi munharaunda dzeduwo.

## MUMAPOKA MADIKI

**Chiziviso:** Verenga nyaya dzinotevera wopindura mibvunzo inotevera. (Bhuku 2.1)

Mumwe murume wekuIndia akashanyira dunhu raakamboshandira. Akabvunza madzimai kuti dunhu raizonge rakaita sei dai Jesu ariye aitungamirira. Umrai, uyo aitauro pakati pavo akatsanangura nezvedunhu raizova rakabatana uye richiita chinhu chimwe chete. Akaziva kuti Jesu haaikudzwa nekupesana kwevanhu vedunhu rake. Mhuri imwe neimwe yaizviraramira. Nokuda kwemhinduro yake, madzimai edunhu iri rakaumba komiti yeutsanana uye remabasa emaoko. Madzimai gumi nemana eboka remabasa emaoko rakatanga kusangana misi nenguva uye vane mufaro mukuru. Vanhu veboka iri vakaunganidza mari shoma kabva pakuchengeta kwavo vakaisa mubhanga reboka

rose ndokutanga kugadzirisa matambudziko emunharaunda pamwe chete. Umrai ndiye aiva mutungamiriri wekomiti akashandisa tarenda rake rokutungamirira kuronga uye kukurudzira dunhu kuita zvinhu zvaizoitwa naJesu kunge aive aivatungamirira.

Madzimai ezvidzidzo zveBhaibheri munyika yeUganda vakafunga kushandira dunhu ravo semashandiro aizoitwa naJesu. Vakanyatsoronga bhindauko ravo rokutanga: kubvisa marara pabhawa raive pedyo. Vamwe vemadzimai aya vaviri nehushingi vakapinda mubhawa. (Nguva zhinji madzimai anopinda mubhawa ipfambi chete). Vakakumbira mvumo yekubvisa marara. Varidzi vebhawa vachikatyamadzwa vakaseka asi vakabvuma kuti vaite basa. Madzimai akakurudzira vanhu vemunharaunda, vanhu vazhinji vakazvipira kubasa iri pasina muripo. Boka iri rakachera makomba maviri: rimwe rezvinhu zvinowora uye rimwe remarara asingawori. Vanhu vanotandarira mubhawa pavakaona vamwe vachitsvaira marara avo vakabva vatanga kubatsirawo. Chakazofadza nharaunda ndechekuti varidzi vebhawa vakazoramba vachichenesa nzvimbo iyi.

Vakurudzirwa neizvi, madzimai vakazogadzira zvitofu pfumbamwe zvaishandisa mafuta zvakaivonaka pakubika kumhuri dzemunharaunda uye vakaumba hari dzekuchengetera mvura kumhuri dzaitambura. Vachienderere mberi, chikwata chezvidzidzo zveBhaibheri ichi chakazoita bhindauko hombe: musika wenharaunda. Vakadzi vemudunhu vanowanzofamba nguva yakareba vakatakura miriwo nezvimwe kuiendesha kumisika iri kure. Musika uri pedyo waizovarerutsira kuwana mari uye vari pedyo nemhuri, nharaunda uye magadheni avo. Pekuitira musika vakapiwa mahara asi pakange pakaterenuka kuti vatange kuvaka musika. Madzimai ezvidzidzo zveBhaibheri aya akanamata, vashandi vemugwagwa mukuru vaishanda pedyo vakabvuma kugiredha nzvimbo yemusika pasina muripo. Nerubatsiro rwaJehovah boka duku remadzimai machristu rakaona rikaunganidza zvishandisiro, vakachengetedza mari, vakapedza matambudziko uye kugadzira musika. Vakakura pamweya pavaishandira vamwe vakamirira Jesu.

### Ongorora

- Chii chakaitika panyaya imwe neimwe?
- Takatarisa vanhu vari munyaya idzi, nharaunda idzi dzakaswedera mudhuze here kuona mararamirwe aizoitwa kana munhu wose akararama sezvinodiwa naJesu. Nemhaka yei?
- Neapi mabhindauko akaitwa nemapoka ari munyaya idzi?
- Zvingaitikawo sei munharaunda yenyu?

## Jesu semutungamiriri wenharaunda

---

### Boka Guru

Zvitore sekuti Jesu ndiye mutungamiriri wenharaunda yenyu. Unofunga kuti ndezvipi zvinhu zvekutanga zvaishandura?

**Zviziviso:** Kana boka rikafunga nekutarisa chete kushandura vatungamiri vezvematongerwo enyika, varangaridze kuti Jesu paaiva pano panyika haana kushandura vatungamiri vezvematongerwo enyika. Vadzidzi vose waitotarisa kuti achabvisa hutungamiriri hwese hwezvematongerwo enyika, zvisinei haana. Aishanda nedunga munhu kuunza shanduko pamunhu wega wega. Pahurongwa uyu takanangana nekurarama sezvakatarisirwa naMwari uye nekubatsira vamwe kuita zviwe I

*Kana boka richinetsekana kuvandudza pfungwa iyi, unokwaisa kushandisa mibvunzo iyi kudenha hurkuro:*

- Jesu aitasei pamusoro peshirikadzi nenherera?
- Aikwainisa kusimbisa mhuri chirudzii?
- Aikurudzira sei kuti vanhu vawane mvura yakachena, dzimba dzakakwana nechikafu, zvekurapisa, nzira dzakanaka pamwe nepakaringana pekurasira marara nemapaipi esewer?
- Chii chaitwa maringe nedzidzo yevana nevakuru?
- Aiita sei pamusoro pekudhakwa, nekushandiswa zvisirizvo kwemishonga inodhaka, njuga nezvimwewo?
- Aita sei panyaya yekubatwa chibharo kwevana pamwe nevamwe varimudzimba?
- Aiumbiridzawo sei wanano muhupenyu hwemuvanhu?

## **Nharaunda yoshanduka munzvimbo inadzose**

---

- Uchirikurangerira nzira ina dzatinafanira kukura sezvakaitwa naJesu? (Ruka 2:52)
  - *Huchenjeri, Panyama, kuwirirana nevamwe, pamweya*

Humambo hwamwari unounza shanduko muzvimbo inadzese. Kana tichida kuona nharaunda dzedu dzichiitasehumambo hwaMwari, sakatinofanira kuona nzvimbo ina dzese dzashandurwa munharaunda dzedu.

### **Mumapoka madiki**

**Zviziviso:** Patsanura kirasi mupoka mapoka wovapa nguva yokukurukura kuti nharaunda chaiyo ingave yakaita sei. Onasovaudza kuti vafunge nezvenzvimbo inadziya. Wovaudza kuti vadhirowe mufananidzo wekuti Mwari vanoshuwira kuti nharaunda yavo inge yakaitasei.

### **Tsanangura:**

Mwari vanotoda kuwona nharaunda dzedu dzichishandurwa kuva se humambo Hwake. Akatikurudzira kunamata kuti humambo hwake huuye pano panyika, obvatiudza kuti titsvake kutanga humambo hwake.

Ungaoona sei kugara munharaunda yekuti vanhu vese vairarama vachiterera Mwari. Munenge mune mhuri dzinofara, vadikani vanoshamwaridzika, vachibatsirana nekurarama murugare; munenge musina kunetsana, kurwa, kana kunyeperana. Ungada kugara munharaunda iyi here?

Nzira yamwari yekuunza humambo hwake kuburikidza nesu. Tinodzidza zvakanakanda maererano neizvi muchidzidzo chechina, asi parizvino ngatifunge nezveizvi: (wongorora zvinotevera mbijana mbijana uchipa vanhu nguva yekufunga mhinduro yacho.)

- Chinoitikia kana vanhu vese mangwana makuseni kutanga na six votanga kuita sezvinodiwa naMwari?
- Chii chinoitika kwatiri, iwe sedungamunhu, kana tikaterera nekuita zvinodiwa naMwari muwanano dzedu, pakuchengetedza miviri yedu, uye pakufamba naMwari?

- Chii chinoitika kumhuri dzedu kana nhengo dzese dzikaterera nekuita zvinodiwa naMwari?
- Chii chingaitike mukereke dzedu, nemamwe makereke munharaunda dzedu, kana vatungamiriri nedzimwe nhengo vakafarirana vose, vachibatsirana, nekubatsira vasina simba pamwe nevarombo, vachigara murugare?

Mwari vakatipa muwono unonakidza: muwono wehumambo hwavo panopanyika. Varikuda kuti tive vamwe vevanhu vanovaka humambo hwavo panopanyika. Wona nyika zvaingava kana vanhu vaka terera Mwari. Panoita kunge kudenga! Kunyangwe tichiziva kuti izvi hazvizadzikiswe kusvikira Jesu wadzoka pano panyika zvakare, tinokwanisa kushanda nemuono uyu watakapihwa naMwari.

Mazuva ose tinofanira kumuka tofunga kuti, ndingavaka sei humambo hwaMwari nhasi? Ndingaitesi kuwedzera humabo hwaMwari? Ndingarame sei maringe nemirairo yaMwari? Ndingabatsire sei mhuri yangu kuita zvimwechetezvo?

# Chidzidzo chechitatu: Zvakakosha Muhumambo

## Pfungwa huru

1. Nzwisisa kuti matambudziko munharaunda medu anokwaniswa kugadziriswa kuburikidza nekuterera Mwari
2. Wona kuti humambo hwaMwari unouya kana tikaisa nekushandisa Bhaibheri munzvimbo dzese dzehupenyu hwedu
3. Wona kuti mitemo yemu Bhaibheri yakasiyana nezvakakosha munharaunda dzedu
4. Nzwisisa kuti tinowana mitemo kana tika verenga Bhaibheri.

## Zvokushandisa

1. Bhuku 3.1Bepa rezvakakosha Zvehumambo
2. Maposita ehwaro nemidzi

## Hwaro naMidzi

---

Ngatitange nekutarira hwaro hutatu

### 1. Nyika izere nhenhamo nematambudziko. Hunchenjeri nehupfumi hwepasi pano hazvikwanise kuporesa nyika.

- Ndeipi mimwe mifafananidzo yezvinhu zvinokonzereswa nechivi munyika?

*Mhinduro*

- *Kunwa nekuputa zvinodhaka zvisiri pamutemo/Njuga / Chipfambi*
- *Kuputsika kwemhuri*
- *Kurwa pakati pevanhu*

### Verenga nyaya inotevera:

Nyika yeHaiti ndeimwe yenyika dzakaputsika yakatadza kugadziriswa nehuchenjeri nehupfumi hwepasi rino. Haiti ndonyika inehumambo kuSouth neCentral America. Ine huwandu hwevanhu vanosvika mamiriyini manomwe. Kubvira 1980 zviru zvemaboka akazvimirira epasi rose, ehurumende neasiri vaingoita hurongwa. Mabhiriyoni emadhura ashandiswa kuzama kuzama kugadzira hupfumi, magarironezvemweya yevanhu veHaiti. Zvakadaro hapana chashanduka. Muna 2004 masangano epasi rose nehurumende vakapa imwe bhiriyo kuzama kugadzirisa Haiti.

Zvisinei nemari yose iyi Haiti hapana chashanduka zvachose. Vanhu vachiri kutambura; Havana tarisiro. 80% yevanhu ava inorarama muhumambo. Nyika iyi haina makambani kana mabuzinesi; zvose zvavhara. Huwandu hwevasiri kuenda kubasa i70%. Vana vari pamusoro pe10% havararama kudakara makore mana. Zvitangwana zvakarisa vanhu, hakuna dzimba dzine musoro uye migwagwa izere marara. Kuparamurwa kwemhosva isaraude. Migwagwa haifambiki, hakuna mvura yekunwa yakakwana. Kumaruwa ndizv zvimwe chete. Makore ekutemwa miti awanda nekukurwa kwevhu hapana chodzivirira madutu emhepo apawo ivhu rekurima harichina chikafu.

Kunyangwe mari yakashandiswa yakawanda nepfungwa dzakawanda dzakaiswa pamwe chete hapana kushanduka kwati kwaonekwa.

- Haiti yakamira sei?
- Imariyi yakashandiswa kuHaiti?
- Chii chayakashandura?
- Sei uchifunga zvinhu izvi?

Nyika yakadonha uye izere nenhamo nematambudzikouye pfungwa dzedu dzose dzakanaka hadzikwanise kuigadzira. KuHaiti nemazana emadhora nemazana evanhu vanoziva zvinhu zvacho hazvisati zvashanduka. Ichi ndicho chokwadi pasi rose, kwete kuHaiti chete. Pashandiswa mabhiriyoni makumi mashanu muAfrica nekutumira nyanzvi dunhu reAfrica ratova nehuruombo kudarika zvaraiva makore makumi maviri apfuura. Hupfumi hwepasi rino nehuchenjeri hwepasirino hazvikwanise kushandura nekuponesa nyika. Tinoda zvimwe zvinhu.

## **2. Kuponeswa kwenyika kunoitika kuburikida nevanhu vachiterera Mwari nekurarama sezvaanotarisa.**

Verenga vaKoronike vechipiri 7:14.

- Bhaibheri rinoti tinofanira kuita sei?
- Ndiani anofanira kuzvita—Makiristu here kana kuti kwete?
- Chii chinoitika kana tikaita zvinhu izvi?
- Unotenda kuti ndima iyi ndeye chokwadi here?
- Chii chatinofanira kuita kuti nharaunda yedu ishandurwe?

Mwari vanoda kuona nharaunda dzedu dzichiponeswa nekushandurwa. Jesu wakauya kuzodzoreredza zvinhu zvose. Zvisinei achiri kushanda kuburikidza nesu. Pasina kunamata, kutsanya, nekufamba mukuterera Mwari hapana kuponeswa! Kuponeswa kwenharaunda dzedu kunouya kana taita zvinhu izvi. Ukuda kuponeswa kwenharaunda yenyu here? Unokwanisa kuita zvinhu izvi here?

## **3. Bhaibheri rinotiudza kuti tingarame sei kuti tiponese nyika dzedu nekuvaka huMambo hwaMwari.**

Dzimwe nguva takatenga chinhu chakakosha tinopihwa bhuku rinotibatsira kushandisa chinhu chacho. Bhuku racho rakanyorwa nekambani inogadzira chinhu chacho. Vanoziva kuchishandisa kuti chirame nekugara nguva yakareba. Kana tichida zvinhu zvakanaka kubva pachinhu chedu tinofanira kushandisa nekuverenga bhuku racho.

Mwari haashanduke. Vakagadzira nekusika nyika. Vakagadzira nekusika isu. Vanoziva nekugona kuita hupenyu hwedu zvakanaka, uye vakanyora bhuku rinotibatsira. Rinonzi Bhaibheri. Mariri anotiudza kurarama munzvimbo dzese dzehupenyu hwedu. Bhaibheri rine mitemo yese nehuchenjeri hwatinoda kuponesa nyika yedu yakaputsika pamwe nenharaunda dzedu. Tinofanira kuverenga, nekunzwisisa, nekuita zvakanaka mariri kana tichida zvakanaka muhupenyu hwedu, uye kana tichida kuona nharaunda dzedu dzichishandurwa.

**Zviziviso:** Dzokorodza pfungwa idzi uchishandisa makhadhi. Wona kuti kirasi iri kunzwisisa khadhi rimwe nerimwe.

- Tadzidza chii panyaya yekuporeswa kwenyika yedu?
- Tingafamba sei mukuteerera Mwari?
  - *Tinofanika kuverenga Bhaibheri nekurishandisa muhupenyu hwedu hwose.*
- Zvakataurwa naMwari zvinoitika kana takateerera?

## Kushandisa Bhaibheri muupenyu hwedu hwose

Ukaverenga nyaya dzaJesu paairama panyika uchaona kuti vadzidzi vaiva nekufunga kwakasiyana pakuti Jesu aifanika kutonga sei.

Verenga Marko 10:35-37,41-45.

- Jakobho naJohane vaikurukura nezveyi?
- Jesu akati kudii pamusoro pekuita kwevatungamiriri?

Jakobho naJohane vaifunga nezvemagariro avo. Vaida kutonga vamwe vachifunga nezvezuva iro vachava vatungamiriri vakuru. Jesu akavagadzirisa akavaudza chimiro chemutungamiriri chaiy: mutungamiri mukuru ndiye anoita kunge muranda.

- Unofunga kuti hupenyu hemuranda hwange hwakamira sei munguva iyi?
- Unofunga kuti vadzidzi vakanzwa sei pavakanzwa izvi?

Nguva zhinji ndizv zvazviri. Maitiro enyika nezvatinogaroziwa handiyo nzira yaMwari. Tinofanika kuziva nzira dzaMwari kana tichizovaka huMambo hwaMwari Pasi rino. Mwari akatipa Bhaibheri iri rinotiudza mararamire atingaite munzira dzinofadza Mwari.

### MUMABOKA MADIKI

Zadzikisa taburu inotevera (Bepa 3.1). Pachoga choga funga kuti mumaramiro enyu munowanzoti chii. Woztarisa mazhesi woona kuti Bhaibheri rinoti tiite sei.

Zvinokosha	Magwaro	Unhu hwedu/ Mararamiro edu	HuMambo hwaMwari
Zvatinofanika kuita sababa	Vakorose 3:19 1 Petro 3:7 Vaefeso 5:25, 28, 33		
Zvatinofanika kuita saamai	Genesi 2:18 Vaefeso 5:22-24, 33		
Zvatinofanika kuita mukurera vana	Mapisarema 127:3 Vaefeso 6:4		



Mabatire atingaita vanhu	Matewu 22:36-40 Ruka 10:25-37		
Mabatire atingaita vavengi	Ruka 6:27-31		
Mawonere atinoita basa	Vakorose 3:22-4:1 Vaefeso 6:7-8		
Mabatire atinoita nharaunda	Mapisarema 24:1 Genesi 1:28-30 Genesi 2:15		
Chakakoshesesa	Matewu 6:25-34 Matewu 22:36-40		
Maonera atinoita rufu nekufa	Johwani 11:25-26 Vaheberu 2:14-15 Zvakazarurwa 1:17-18		
Maonere atinoita kurwadziwa	Ruka 6:22-23 2 VaKorinde 1:8-11		

## Kuwana Zviga ZvaMwari

Svondo rino pauri kuverenga Bhaibheri unofanika kutanga kutsvaga zviga/ mitemo yaMwari yaungashandisa muhupenyu hwako. Paunoverenga chitsauko kana ndima zvibvunze mibvunzo mina inotevera:

- Ndimu iyi inondidzidzisa chii nezvaMwari?
- Ndimu iyi inodzidzisa kuti ndinofanika kurarama sei?
- Ndimu iyi inondidzidzisa kuti ndofanika kubata vamwe sei?
- Ndimu iyi inondidzidzisa kuti ndibate nharaunda sei kana kuti ndishande sei kana kubata mari sei etc?

# Chidzidzo chechina: Zviga zvehuMambo neBasa

## Zvinangwa Zvikuru

1. Basa rine chizvimbo chakakosha muhupenyu hwedu apo tinogona kuunza kukudzwa kwaMwari. Bhaibheri rinotitaridza kuti tingeteerere sei mubasa redu uye kushanda kunokudza Mwari.

## Zvinoshandiswa

1. Bepa 4.1 Bepa rehurukuro Muboka Duku
2. Mashandirwo eBasa muchinyorwa chaJohn Wesley

## Nhanganyaya

---

### HURUKURO MUBOKA GURU

- Basa rownzowonekwa serskanaka here kana kuti rakaipa?
- Ndedzipi tsumo mururimi rwko dzinotaura nezvebasa?

#### Genesi 1:28

- Ndezvipi zvakatanga kurairwa Adam naMwari?
- Izvi zvakaitika mushure mekunge Adam atadza nekudya muchero here kana asati?

#### Genesi 2:2

- Mwari anozorora kuitei?

#### Marko 6:1-3

- Jesu aishanda basa reyi paange asati atanga kudzidzisa?

Sezvatiri kuona mumavhesi aya Mwari akashanda, uye isu takasikwa nemufananidzo waMwari saka takasikirwa kushanda. Kubvira pakutanga, chivi chisati chapinda panyika, munhu aishanda.

Mubhuku raRute, tinodzidza nezvaRute. Ari kutiza nzara nevamwene vake uye varombo.

Vanodzokera Moabi nokuti vanzwa kuti kune chikafu ikoko. Rute anowana basa mumunda maBoazi uyo anobva amufarira paanoziva zvaakaitira vamwene vake.

- Boazi akaitei kubatsira Rute? (Ruth 2:15-16)
- Unofunga kuti sei asina kungomupa gorosi?
  - *Nokuti takagadzirirwa kushanda, nokuda kwaizvi tinowana chiremerera mukushanda pane kungopiwa zvemahara. Nekuita izvi, Boazi akapa Rute chiremerera.*

## **Basa Semaonerwe aro MuBhibheri**

---

### **MUMABOKA MADUKU**

Muchishandisa Bepa 4.1 itai hurukuro. Ndezvipi zvikonzero zvingaita tishande? Muchishandisa mavhesi anotevera kana dzimwe pfungwa dzamanadzo kubva muchidzidzo chino.

- 1 VaTesaronika 4:11-12
- 1 Timotio 5:8
- VaEfeso 4:28
- 1 VaKorinde 10:31

### **HURUKURO MUBOKA GURU**

- Munofunga Mwari anotarisa kuti tishande?
- Vanhu vanowanzova nemuonero upi panyaya yebasa?
- Mwari paairima gadheni, kana Jesu paaiveza, vaiona basa sei?
- Tingaite sei kuti tive nemuonero wakaita sewaMwari?
- Tingaite sei kuti tibatsire vamwe vaone basa semaonerwo aritwa naMwari?

### **DUNGAMUNHU**

- Iwe une muwonero upi webasa?
- Ungada kuchinja mawonere ako here?

Namata kuti Mwari akubatsire kuona basa rako semaonero aanoriita uye kuti akupe muono unenge wake Mwari.

## **Ndudzi Dzemabasa**

---

### **HURUKURO MUBOKA GURU**

- Munuofunga here kune rimwe basa rakakosha kupinda rimwe? Chii chinoita kuti akoshe kupfuura mamwe?

### **MUMAPOKA MADUKU**

- Nderipi basa rakapiwa Adam naMwari?
- Nderipi basa rakapiwa Noah naMwari?
- Nderipi basa rakapiwa Joseph naMwari?
- Nderipi basa rakapiwa Daniel naMwari?
- Nderipi basa rakapiwa Gideon naMwari?
- Nderipi basa rakapiwa Moses naMwari?
- Nderipi basa rakapiwa David naMwari?

- Munofunga here kuti Mwari aizoda kuti vanhu ava vatungamirire kereke kana kuparidza pane kuti vaite basa raakavapa?
- Munofunga here kuti Mwari aiwona vanhu ava sevasina kukosha pane mapirisita? Semuenzaniso Basa raMosesi risina kukosha pane raitwa naAarini?

Pfungwa yokuti mamwe mabasa akakosha kupinda mamwe haisi maBhaibheri. Iyi ipfungwa yemuraramiro wema Greek yakazova mumafungiro ama Kristu kusvikira panguva yeShanduko (Reformation). MaGreek vaibvumira kuti zvinhu zvemweya zvainge zvakakosha nekuremerera kuna Mwari kupfuura zvimwe zvose izvo vaifunga kuti hazvina kukosha kuna Mwari.

Kunyangwe zvakadaro iyi haisiriyo nyaya iri muBhaibheri. Bhaibheri rinotanga Mwari achisika denga neNyika. Muna Genesi 2:8 tinoona Mwari achirima gadheni. Mwari, iye Mwari watinonamata nekuda akarima gadheni. Apotiri kushanda mubindu, ngatirangarirei Mwari murimi wegadheni rekutanga. Tirikuita zvakaitwa naMwari makore akawandisa apfuura. Zvakare nakare Mwari anodana vanhu kuti vamushandire nenzira dzakasiyana. Nyangwe kuva muparidzi kana muvhangeri riri basa rine chiremerera, ndizvo zvimwe nekurima gadheni, kuva muvezi, kana mudzidzisi. Hatingodi chete kuti vanhu vatidzidzise pamweya chete kasi tinodawo vanorima kuti tidye, vanovaka kuti tiwane pekugara, uye avo vanodzidzisa vana vedu. John Wesley, mukristu anemukurumbira akararama makore mazana maviri apfuura, akapa zviga zvinotevera takatarisa basa.

### **Zviga zvaJohn Wesley (Mufananidzo 2)**

- Basa harifanire kuparadza hutano hwako.
- Basa harifanire kuparadza mhuri yako.
- Basa harifanire kusaenderana nezvaunotenda mazviri
- Basa harifanire kukuvadza muvakidzani wako kana kumukanganisa kuita mari.
- Basa harifanire kukuvadza muviri wemuvakidzani wedu.
- Basa harifanire kuita kuti muvakidzani wako atadze.

John Wesley akati takatarisa zviga izvi tinofanika kushandisa matarenda edu kushanda nesimba napose patinogona napo. Tinofanika kuzama kuwana muripo pose kuti tigone kuriritira mhuri, kuchengetedza zvimwe kuitira nguva ichauya, kupa kvandudza basa raMwari, uye kupa kuvarombo. NaizvozvotirikuremekedzaMwari nematarenda, simba nehutano zvaakatipa.

### **HURUKURO MUBOKA GURU**

Tarisa zviga zvaJohn Wesley

- Ndeupi muenzaniso ungatsanangurechimwe nechimwe?
  - *Basa harifanire kuparadza hutano hwako— kushanda panokuvadza, kushanda zvausingakwanise semuenzaniso kushanda zvinrema kumunhu akwegura.*
  - *Basaharifanire kuparadza mhuri yako— kushanda nguva dzakareba zvekukanganwa mhuri. Basa rinoda kuti uvekure nemhuri yakonguva yakareba pamwedzi usina nguv nemhuri.*

- *Basaharifanire kusaenderana nezvaunotenda mazviri— kubira kana kudzvanyirira mumwe.*
- *Asa harifanire kukuvadzamuvakidzani wako kana kumutadzisa kuita mari— kutanga bhuzimisi pedyonerimweasi wakaderedza mitengo kuti utore vatengi vose.*
- *Basa harifaniri kukuvadza muviri wemuvakidzani wedu— kugadzira doro kana fodya.*
- *Basa harifanire kuita kuti muvakidzani wako atadze— kuva nebhawa.*
- Kana tichibvuma kuti basa rose ngarirumbidze Mwari zvinoshandura sei mawonero aunoita basa?
- Zvinokonzeresei kumaitiro ako ebasa?

## Mwari Ane Hanya Nemaitirwo eBasa

---

Zvinowanzotaurwa kut vashandi makristu ndivo vashandi vakaipisira.

- Sei uchifungakuti ichi chingava chokwadi?
- Zviri kuitika here munharaunda yekwenyu?
- Unofunga kuti Mwari anonzwa sei nemaonerwoemakristu akadai?

Nyangwezvazvo Bhaibheri risingataure kune mamwe mabasa akakosha kupinda mamwe, rinotaura zvakanwanda pakuti tingashande seimubasa edu. Zvinhu zvakanosha muhupenyu hwedu— nguva zhinji dzatakamuka inguva dzekushanda, saka tinofanika kunyatsotarisa kuti tikuitabasa sei.

### MUMABOKA MADUKU

Tarisa mavhesi anotevera. Mavhesi aya anodidzidzisa chii pamusoro pebasa? Mumapoka maduku pfupisai nemutsara mumwe chete.

- 2 Vatesaronika 3:10-12
- Zvirevo 10:4
- Zvirevo 19:15
- Zvirevo 21:25

Unofunga kuti mavhesi aya anodidzidzisa chii pakuti tingaita sei basa?

- 1 Vakorinde 10:31 – Rumbidza Mwari
- Vakorese 3:23- Shanda seuri kushandira Mwari

### HURUKURO MUBOKA GURU

Makore mazhinji aJesu aiva muvezi. Funga uchimuona ari muvezi.

- Unofunga kuti basa rake raiva nehunyanzvi hwakaita sei?
- Fungakuti waishandira panzvimbo imwe naye: zvainge zvakanwanda sei kushandira panzvimbo imwe naJesu?
- Aizvifambisa sei nguva yemasikati?
- Aizvifambisa sei kana pasina ainge achimuona?

Panguva yeReformation pane kuchinja kukuru kwakaitika pamashandiro evatendi. Zvichiitika kekutanga vanhu vakatanga kuverenga Bhaibheri vachiona kuti ringashande sei pahupenyu hwavo zuva nezuva. Munguva iyi, kana muvezi aigadzira tafura, aitoita kuti pasi petafura panake kunge pamusoro payo. Vaiti Mwari anokwanisa kuona pasi petafura sekungoona kwaanoita pamusoro payo, muvezi aishandira kufadza Mwari. Zvinhu zvakagadzirwa munguva iyi ndiyo midziyo yemhando yepamusorosoro pakati pezvimwe zvose.

## **MUMABOKA MADUKU**

### **Mitambo**

Tsvaga chero basa mogadzira vatambi vaviri: mu we ari kushanda zvinounza rumbidzo kuna Mwari, uye mumwe anoshanda zvisingaunze rumbidzo kuna Jehova. Munhu wese ngaaita mutambo uyu.

## **BOKA GURU**

Panopera mutambo wega wega kurukurai:

- Ndedzipi dzimwe dzenzira dzaunza rumbidzo kuna Mwari nemashandiro akanaka anga achiitwa?
- Ndezvipi zvaitwa zvatadza kuunza rumbido kuna Mwari nekutadza kushanda kwaitwa?
- Ndezvipi zvimwe zvatingawedzera pamitambo iyi?

## **ZVIONGORORE**

Funga nezvebasa rako. Ndedzipi dzimwe dzenzira dzinounza rumbidzo kuna Mwari pabasa rako? Kumbira kuna Mwari kuti akuratidze zvaungaite zviri nane kuti Mwari awedzere kurumbidzwa nebasa rako.

# Chidzidzo Chechishanu: Kuvaka Humambo hwaMwari

## Zvinangwa zvikuru

1. Tinofanira kuteerera muhupenyu hwedu sedungamunhu uye nemuhupenyu hwemhuri dzedu kuti tikwanise kushandura nharaunda dzedu kuti dzive seHumambo hwaMwari.

## Zvokushandisa

1. Bhuku 5.1 'Mhuri imwe yevatendi younza shanduko' nyaya
2. Bhuku 5.2 kuva muvaki weHumambo
3. Posita – Dungamunhu kumhuri

## Zvinotanga nesu

---

Muchidzidzo chekutanga takataura nezvekuti Mwari vakatipa muono wakakosha.

- Muono wacho waiva chii?
  - *Humambo hwaMwari*
- Tingaiti kuti titange kuwona muono uyu?

## Nharaunda yashandurwa

---

### Verenga nyaya inotevera.

Munzvimbo imwe vatendi vakanga vane makore vachizivikanwa sevarombo zvikuru. Mhuri zhinji dzaiwana mari shomanani. Vaimanikidzwa kuti varime minda yaiva kure nedzimba dzavo, uye vaifanira kutakura zvirimwa zvavo pamafudzi avo nokuti nzira yacho yakanga isingaite kufambisa motokari. Mhuri zhinji dzaingova nemupunga wavairima gore negore waiva kwanira kwemwedzi inosvika iyo mitanhatu. Kupera kwegore vaiswerotenderera masango vachitsvaka chikafu chekupa mhuri dzavo. Nokuti vaisanzwisisa kuchengeta zviwanikwa zvavo naizvozvo mhuri dzaiita zvikwereti gore negore. Maisava nezvimbuzi munharaunda iyi uye vanhu vaigara vachirwara. Dzimba dzavo dzaiva diki uye dzichidonha mvura. Vana munharaunda iyi vaisaenda kuchikoro mazuva ose. Kereke yaitovawo diki uye vari varombo, yaisangana nematambudziko nekuda kwekumbunyikidzwa nekusawirirana mukereke.

Mapoka anobatsira vanhu aisabvumidzwa kushanda nenharaunda idzi, naizvozvo paiva netarisiro diki yekuti vaibuda muhurombo. Asi izvi zvakashaduka pakauya imwe mhuri yakatanga kudzidzisa vatungamiriri vemakereke vemunharaunda nezvekuti vangade sei vavakidzani vavo, uye nezvairehwa neHumambo hwaMwari. Mhuri iyi haina kupa makereke mari asi vakangovadzidzisa nezvekuterera mirairo yaMwari.

Makereke akatevedzera zvavakanga vadzidziswa kuburikidza nekubatsira vamwe munharaunda mavo. Vakagadzirisa nekuvandudza pamwe nekukudza migwagwa yavo. Vaibatsirana kukohwa zvirimwa zvavo. Vaivaka nekugadzirisa dzimba. Vakakavaka zvimbu. Vakaendesa vanavavo kuzvikoro. Vaibata varume nevakadzi vavo zvakanaka.

Mumakore mashanu nharaunda yavo yakanga yashanduka yose. Vatungamiriri vakaenda vakanoudza mhuri iya kuti vakanga vasisiri varombo. Mari dzavaitambira dzakanga dzawedzerwa. Vakanga vanehutano hwakanaka. Vana vavo vakanga vakuenda kuzvikoro. Pamusoro paizvozvo kereke yakakura. Vanhu vazhinji vakanga vave vatendi mushure vaona zvaitwa nekereke pakuratidza rudo rwaMwari kunharaunda yavo. Kereke yakanga yave nehukama hwakanaka nevaitungamirira nharaunda uye vakanga vakusambunyikidzwa pamwe nekushungurudzwa.

Rimwe boka revaishanda nekubatsira vamwe parakauya richida kuona zvakanga zvaitika munharaunda idzi Havana kutenda nekubvuma pakutanga kuti nharaunda idzi dzaimbova varombo pamakore mashanu akanga adarika. Pavakaziva kushanduka kwakanga kwaita nharunda idzi panguva diki diki vakashamiswa kwazvo. Vakatangira kubvunza mutungamiriri wega wega “makaitei kuunza shanduko yakadai?”

Unoziva here vakataurwa nevaitungamiriri ava? Mumwe nemumwe vakapa mhinduro imwe chete “takateerera Mwari.”

#### **Hurukuro Muboka Guru**

- Chii chakashanduka munharaunda iyi?
- Zvinhu izvi ndezvemweya here kana kuti zvepanyama?
- Boka rashanda pakubatsira vanhu parakabvunza zvavakaita pakuunza shanduko yavakaunza, pamafungiro ako unofunga kuti vakanga vachida mhinduro yakaita sei?
- Imhinduro yekutii yavakaudzwa navanhu vose?
- Makereke akaitei kuratidza kuteerera Mwari munharaunda dzavo?

### **Tingashandure sei nharaunda dzedu?**

---

Kana tichida kuona nharaunda dzedu dzichishanduka tinoda pamwe nekufamba mukuteerera Mwari. Nhanho rekutanga nderekutanga tashandura hupenyu hwedu isu. Tinoda kutanga kushandisa zvinhu zveHumambo zvakanakosha panezvose zvatinaita.

#### **Hurukuro muboka guru**

- Hupenyu hwedu hungava hwakaita sei kana tikateerera mirairo yaMwari nguva dzose dzehupenyu hwedu?
- Funga nezvezvinhu zvaunoita zuva rega rega. Kana uchiteerera mirairo yaMwari nguva dzose dzezuya unokwanisa kuita zvinhu izvi here? Unokwanisa kuzviita zvakanakosha here?
- Kuda kwaMwari kunobatana nekukanganisa zvinhu zvakanaka sekurara, kudya, kugadzira zvekudya, kudya zvirimwa, kana kutsvaka mvura? Mwari vane hanya nemuitiro watinoita zvinhu here?
- Verenga Mateu 6:25-33
  - Chii chaisuwisa vanhu? Izvi zvinhu zvemweya here kana kuti zvinhu zvatinoziva?
  - Mhinduro yaJesu yakanga yakaita sei?



- Unofunga kuti Jesu wairevi? Tingatsvaka sei Humambo hwaMwari pane zvese?

Zvinokwanisa kusanzwisisika kufunga kuti kana vanhu vauya kuna Jesu kuzomuudza kuti vanokoshesawo zvekudya nezvekunwa mhinduro yake yaiva “tsvaka chokutanga humambo hwaMwari.” Zvinomborevei? Zvinoreva kuti hatichafunga nezvezvinhu izvi here, asi toshandisa nguva yedu yose pazvinhu zvemweya here sekunamata? Takazviita unova hupenyu hwakanaka here?

Zvisinei kunesu kune mumwe munhu akararama hupenyu hwakanaka akaita kuda kwaMwari nguva dzose: Jesu (Johani 14:31). Tinokwanisa kutarisa hupenyu hwake, tichiona kuti zvinomborevei kutsvaka Humambo hwaMwari pakutanga. Tarira pane ndima idzi dzemuBhaibheri. Dzinomboti dzidzisei pamusoro pezvimwe zvinhu zvakaitwa naJesu?

- Mako 6:3 – Kukwira kusvika pamakore makumi matatu Jesu waiva kapenda. Munharaunda make aisaonekwa semunhu waitungamirira pamweya asi somumwe munhuwo. Jesu achiri kapenda wairarama hupenyu wakanaka. Hapana kana nguva Jesu yaiva kunze kwekuda kwaMwari muhupenyu hwake. Kubva pamakore gumi kusvika pamakore makumi matatu kuda kwaMwari kwaiva kwekuti Jesu waitevera tsika dzemhuri yake uye waiva kapenda.
- Johani 21:9-14 – Jesu wakabikira vadzidzi vake chikafu.
- Mako 4:38 – Paaineta Jesu waizorora.
- Johani 2:1-2 – Jesu wakaenda kumuchato.
- Izvi zvaivawo zvinhu zvakafanana nezvimwewo kana kuti zvaiva zvinhu zvepamweya?
  - Izvi zvaingova zvinhuwo sezvimwe uye zviri zvinhu Jesu zvaaipedza nguva achiita. Uye achitsvaka humambo hwaMwari panguva dzose, Zuva rose Jesu waitawo zvinhu zvaitwa nevamwe. Asi panguva idzodzo aisava kunze kwekuda kwaMwari, asi achishandira Mwari zvakanaka.

Verenga Mako 1:21-34

- Ndezvipi zvezvinhu zvakaitwa naJesu pazuva iri?

Mundima idzi tinoona sabata muhupenyu hwaJesu. Aipedza mangwanani ose musinagogi achidzidzisa. Aibva adzokera kuimba ya Petiro, mushure apedza kuporesa maivake, aizorora kwechinguva maiva Petiro vachivapa chikafu. Kumanheru Jesu waibuda achinoita nguva achiporesa varwere.

- Izvi zvingafananidzwe sei nemushandisiro watinoita nguva yedu yemusi wesvondo? Zvi zvakasiyana uye zvizvakafanana?

Sezvatinooona pamakore ekutanga ehupenyu hwaJesu iye waiva kapenda. Kunyangwe atanga kudzidzisa vamwe, asi aisapedza nguva yose achinamata nekudzidzisa. Aidya neshamwari, aibatsira shamwari dzake, airara nekuzorora. Zvinhu zvose zvaaita zvakanaka zvakanaka zviri mukuda kwaMwari. Kunyangwe paiita zvinhu zvinoitwa nevamwe, aiita zvaidiwa naMwari.

## Mukoma Lawrence

---

Mumakore ekuma1608 murume akazvarwa kuFrance. Akagamuchira jesu pamakore gumi namasere, uye paakasvika makore makumi maviri akafunga kuti aida kupa hupenyu hwake kuna Mwari

zvazara. Akaenda kumba yevaipikirakushandira Mwari uko akapiwa zita rokuti mukoma Lawrence. Aifunga kuti akararamira panzvimbo yevanopikira kushandira Mwari hupenyu hwose aizogara ari muchechi nguva dzose achinamata nekurumbidza Mwari. Zvakadaro, akazoona apiwa basa remukicheni. Kwemakoregumi aivengakuva mukicheni vamwe pavanonga vari muchechi. Akavenga kupiwa basa risina kana nemusoro.

## HURUKURO MUBOKA DUKU


- Dai wakasangana namukoma Lawrence mumakore gumi aya, waizovapanga kutii?
- Unofunga kuti basa ramukoma Lawrence mukicheni raiva risina kukosha pane revezvemweya muchechi?
- Verenga mavhesi anotevera uwone kuti angashande sei munhaurwa iyi:
  - Mateu 25:40 (34-40)
  - 1 Vakorinde 10:31
  - 1 Vakorinde 13:1-3

Pakapera makore gumi mukoma Lawrence vakazoona kuti vanokwanisa kushandira uyekunamata Mwari zvisinei nepavanoshandira. Vakaramba vari mukicheni, asi vachinyatsonzwa kuti vaiva muhuvepo hwaMwari kupindaapo vaindonamata muchechi.

Bhaibheri rinotiratidza kuti Mwari vane hanya yakanyanya nemaitiro atinoita zvinhu pane kuti tiri kuitei chachona, zvikuru tisiri kuita zvekumutadzira. Chipi nechipi chatingaita togona kuti chiunze rumbidzo kuna Mwari.

## Kubva Padungamunhu Kumhuri Kusvika Kunharaunda

Shanduko inotanga nedungamunhu yopfachukira kumhuri, yozoenda munharaunda ichizopedzesera kunyika. Ichi chiitiko chakareba. Vanhu nemhuri pavanoteerera Mwari, zvinobva zvabata nharaunda dzavo. Nharaunda padzinosanga mukurarama mukuteerera, zvinbatawo vakavakomberedzazvozopfachukira kunyika.



## Mhuri

---

Verenga ndima dzinotevera muBhaibhri:

- Dheutironomi 6:7
- Tito 2:3-4
- Timoti wekutanga 3:12
- Tito 1:6
- Tingashandure sei mhuri dzedu?
  - *Tinofanira kudzidzisa nekuva mufananidzo wakanaka kwavari.*

Verenga Ruka 2:52

- Ndechipi chidzidzo chatadzidza kubva pandima iyi mu chidzidzo chakapera chiya?
  - *Tinofanira kukura munzvimbo Ina dzhupenyu.*

### Mumapoka maduku

Tsvaka zvinhu zvakanwanda uye zvakasiana siyana zvinobatsira mhuri yekwako kukura mune nzvimbo imwe neimwe. Ita munhu umwe neumwe asarudze chinhu chimwe chete pane nzvimbo imwe chete vhiki rino (Pamweya, magariro, panyama, papfungwa).

## Nharaunda

---

Mhuri padzinoshanduka dzinoshuwira kuona nharaunda dzavo dzichishandurwa. Verenga nyaya iyi yemurume nemhuri yake vakashandura nharaunda. (Kukirasi yevanogona kuverenga ipa chidzidzo ichi se bhuku 5.1 uye ovaudze kuti vaverenge sedungamunhu.)

Iyi inyaya yechokwadi yemurume akafamba nemhuri yake vakeenda kunzvimbo yakanga isina vatendi vekugovedzana shoko ra kirisitu navo. Aida kuona humambo hwaMwari uchivakwa, nehupenyu hwevanhu uchidzoreredzwa munzvimbo yega yega-pamweya, panyama, papfungwa, mumagariro.

### Mhuri imwe yevatendi younza musiyano

Makore mana adarika muvhangeri paakauya kunzvimbo ino nharaunda yose yaiva nemaHindu. Nzvimbo iyi yakanga iriku Himalayas panzvimbo yakakwirira churu pamusoro pemvura. Makiromita mashomanani kubva pamisha iyi pakanga paine munda wirimwa masamba. Izvi ndozvaipa basa kuvagari vemisha iyi. Zvisinei mari dzaitambirwa dzaiva shoma zvekuti vanhu waitotadza kurarama nazvo kunyangwe vaine basa racho.

Nzvimbo iyi yakanga ine dzimba makumi maviri namashanu dzakanga dzakagadzirwa nemapuranga dzakaiswa denga remarata. Maisava nema toireti mumisha idzi. Nokuti yakanga iripanzvimbo yakakwirira zvekuti kwaitonhora; uyezve vana vaifamba vasina shangu uye vaine matumbu akakura.

Imba yega yega yaiva iri pamunda muduki. Kubika kwaitirwa mune imwe imba yaiva neutsi yokubikira muine choto, poto yacho yakagara matombo matatu. Paiva nehuku dzishomanani dzai mhanya mhanya pachivanze dzichipinda nokumbuda mumba, zvivanze zvacho zvaiva zvakasviba.

Chikoro chaiva pedyo chaiva makiromita maviri kubva pamisha. Chaiva kure nevana kuti vafambe zuva nezuva uye vaiva nebasa rokuita kudzimba. Naizvozvo vana vazhinji vaisaenda kuzvikoro. Vanhu vakuru vazhinji vaisagona kuverenga kana kunyora, Naizvozvo vaidzvanyirirwa nevamwe vaigona vekudzimwe nzvimbo vaigona.

Kwaiva nemagadheni mashomanani nokuti nzvimbo yaiwanikwa mvura yaiva makiromita maviri kubva kwavaigara. Zvakanga zvakavaomera kutakura mvura yokunwa neyekuwachisa, tisingazotaure yokudiridzisa. Maimbova nepaipi yomvura yaibva kudhamu asi yakanga isisa shandi, vanhu hapana zvavakaita nezvekuigadzirisa.

Mvura yainaya apo neapo kunze kwenguva yekurima pakwaiva nekunaya kwemvura yakafanira kuchirimwa chavo chomupunga. Paisava nenzvimbo pamwe nenguva yokuisa mavheji avo. Vakava neraki vaikohwa mupunga waivakwanira kusvika rimwe goho rinotevera.

Vanhu ava vaiva maHindu saka vainamata zvimwari zvakanwanda wanda uye zvakasiyana siyana. Kune anamwari vanodarika zvuru makumi, vanofanira kufadzwa nekunamatwa nemaHindu. Nzvimbo iyi yaiva nemifananidzo yevanamwari vemaHindu. Nguva yega yega mhuri imwe payaidya yaisa chikafu pasi kumweya yaitenderera.

Paiva nekapfungwa yekukurirwa nekekushaya tariro. Tariro yavo yaiva yekuti pamwe muhupenyu hunozotevera vaizodzoreredzwa munezvakanaka. Asi paivawo nemukana wekuti vakasafadza vanamwari vavo, vaidzoswa sembwa kana kuti kiti. Vainzwa kunge vakavharirwa vasina pokubuda napo, pasina nzira yokugadzirisa hupenyu hwavo.

Lepcha aiva muvhangeri akaenda kunogara kunzvimbo iyi. Akadzidza nezvekubatsira vamwe kuti vavandudze hupenyu hwavo nehutano hwavo muchidzidzo mumwedzi mumwe chete. Paakapedza kuzvidzidzo zvake akaenda kunzvimbo iyi kuti anogarako nemhuri yake vachibatsira vavakidzani vavo nekuvagovedzana zvavakadzidza. Vaiva nechivanze chakachena nemba yokubikira yaiva nepekubikira pakakwirira, zvaiita kubika kuve nyore, vachishandisa huni shoma. vaine nzvimbo idiki yokuchengetera huku dzavo. Vakadyara mavheji mashomanani mugadheni ravo, izvo zvakanwanda hutano hwevana vavo. Vaiva nechimbuzi, uye vana vavo vairatidza kusava nemakonye kana chirwere chemudumbu sevamwe vana vemunharaunda.

Lepcha aichingiridza mvura yaibva pamarata emba yake kana mvura ichinaya, vamwe vagari vemunharaunda vakateedzera pfungwa iyi, iyezvino kunyangwe kwakanaya vakuva nemvura.

Vakaita kuti vanhu vemunharaunda vashande vose kugadzirisa paipi yemvura kubva kudhamu kusvika kunharaunda kwavo, iyezvino vave nemvura yakawanda, inovakwanira kudiridza zvirimwa zvavo. Vazhinji vakateedzera kuvaka zumbu rehuku pamwe nekuvaka zvimbu zvisinga nhuwe.

Mhuri yaLepcha payakasvika munharaunda yakatanga kudzidzisa vanhu vakuru pamwe nevana vadiki vaida kudzidza kunyora nekuverenga. Vakatanga kudzidzisa vana nechikuru vekuchikoro kuverenga. Iyezvino nharaunda iyi yava nechikoro chavo kusvika giredhi yechina.

Ikwezvino kwava nekereke nokuti mhuri makumimaviri namatatu emhuri idzi dziri makumi makumi maviri namashanu vave nehukama naKristu. Izvi zvole zvakaitika nokuda kwemhuri iyi yakagovedzana Kristu kuburikidza namashoko pamwe namabasa.

Vanhu iyezvino vave nepfungwa yekukunda, uye vakuona kuti vanokwanisa kurarama hupenyu hune hutano hwakanaka nokuti mhuri imwe yakava nerudo rokuuya kuzogovedzana hupenyu hwavo navo.

Nyaya imwe chete iyi iri kungotaurwa nezvayo munzvimbo dzakasiyana siyana dzirikuchamhembe yeIndia nekumabvazuva eNepal. Iyezvino zvinhu zvimwe chete zvikutika munzvimbo dzinosvika zana namakumi maviri munzvimbo iyoyo. Panyama hupenyu hwevanhu ukushanduka. Asi hupenyu hwevanhu ukushandurwa pamweya zvakare nokuti gungano remhuri zana namanomwe dzikusangana mudzimba; makumi maviri achivawo nevanhu vanosvika mazana maviri.

Mafundisi ekuIndia vakaumba sangano ravo rekereke rinonzi iro Agape, rinova iro richabatanidzwa nemakereke matsva ose. Kana mhuri imwe yakaita semhuri yaLepcha iine muono wekuti nharaunda yavo ishandurwe, zvinhu zvikuru zvinokwanisa kuitika kana vachitsvika kuda kwaMwari uyezve kana vachibvuma kushanda maringe nemuono wavapiwa naMwari. Dzimwe mhuri dzacho dzafanana nemurongerwo unoitwa kereke nenyaya yekudzidzisa vanhu vanokwanisa kuunza shanduko mukereke. Munamato wedu kuti mamifananidzo iyi igova mifananidzo yenharaunda muneramangwana.

- Ndeipi shanduko yakaunzwa naLepcha munharaunda iyi? Wongorora zvakare nyaya iyi wozvinyora pazasi pemusoro unoti iwo magariro, zveuweya, zvepfungwa, nezvinobatika zvepanyama.
- Akaunza sei shanduko iyi? Akatanga nani? Mhuri yake.
- Nharaunda iyi yashandurwa sei nekuda kwaLepcha?
- Ungava saLepcha sei munharaunda yenyu?

**Tarira:** Munhanho yechina tichakuunzirai zvakare zvidzidzo zvine hutano zvakafanana neizvi zvatadzidza pamusoro paLepcha.

## **Mimwe mifananidzo yevanhu vakavaka Humambo hwaMwari**

---

Verenga nyaya dzinotevera muchikurukura mibvunzo inotevera panyaya yega yega.

### **Kusvika kuzvipatara**

Mumwe mufundisi kuneimwe nyika aiendesa mabhuku kuma mosques. Hurumendeyeko haina kufara nazvo vakamutorera pamwe nekumudzikisira muhushumiri hwake. Nzira dzheshumiri hwake hadzina kugamuchirwa. Rimwe zuva akaenda kuneimwe dzidziso yepamusoro pekuratidza rudo rwaMwari kuburikidza namabasa erudo. Akafunga pfungwa itsva. Akabva akurumidza kuora vanhu vana vaida, akatenga chingwa akakumbira mubvumo kunemkuru wechimwe chipatara kushanyira varwere achigovedzana navo chingwa achiva namatira zvakare. Boka iri rakapihwa mubvumo asi vakaendeswa kumawadhi akaoma: nzvimbo yakavharwa yaiva nevanhu vane pfari. Mumwe wevarwere vacho aiva murume akanga apedzisira kutaura kwamakore mazhinji, panzvimbo yekufamba aikambaira. Chiso chake chakanga chakazvimba, imwe nzeve yake yaiva hombe. Aiva

nekamwe kamunhuwi. Aiva netsvina. Vashanyi ava vakaisa maoko avo pamusoro pake kuti vamunamatire vapedza hapana chavakada kubata kusvika vageza maoko avo.

Svondo rinotevera mufundisi uya neboka rake riya vakadzokera. Vakasangana nemurume murefu metete wekuwadhi yevanopenga vakati titungamirire kune varwere vazhinji. Murume uya akati ndini murume wamakanamatira svondo radarika, minamoto yavo yakanga yamushandura zvekuti aida kuti vanamate zvakare. Zvisinei boka irir harina kumurangirira. Vakamuudza kuti havana nguva zhinji asi avaudze kune vamwe varwere. Akita sezvavakanga vataura asi vakazoudzwa navana chiremba kuti ndiye murume uya waikambaira wavakanamatira vhiki radarika. Boka iri rakashamiswa kwazvo. Murume wakanga waporeswa. Akanga akufamba pamwe nekutaura. Akanga akukwanisa kunyora. Zvaakanga ari zvakanga zvashandurwa kubva kwekuti hazvirapike kuenda kwekuti zvinorapika.

Mukufamba kwenguva boka iri rakaramba rihenda kuzvipatara vachiendesa chingwa pamwe nehembe dzokupfeka, nekunamatira varwere. Vamwe vakatanga kupora munzira imweyo. Naizvozvo vakabvumidzwa kushanyira nekunamatira varwere vose mazana masere pamwe nevashandi vechipatara. Mwari vakaropafadza nekuwedzera zvekushandisa mushure vanhu vazhinji vanzwa nezvebasa ravo. Mumakore matatu pamwe nemubvumo wevatungamiri venharaunda, boka guru revanhu raishanda vhiki roga roga kuvanhu vanosvika churu namanomwe muzvipatara zvino svika zvisihanu, nenzvimbo dzishanu dzinochengeterwa nherera, pamwe nema jeri maviri pamwe nenzvimbo inodzoreredzwa vanhu vanoputa madhiragi pamwe nehwahwa. Vakatanga zvakare kubatsira vana vasina pekugara.

- Chii chakaitika munyaya iyi?
- Chii chakakonzeresa kuti zvose zviitike?
- Chii chaakaita?
- Chii chakazoitika?
- Nharaunda yake izvezvi yafanana naMwari here kana kuti kwete nokuda kwamabasa ake?
- Chii chatinga dzidza kubva panyaya iyi?

### **Kubva mukudzvanyirirwa kuenda mukutungamirira**

Pakanga paine mumwemufundisi muine imwe nyika, aigara achidanwa kukamba yemapurisa. Kanomwe pagore mapurisa aigara achiuya pagungano yaaidzidzisa vanhu vomutora voenda naye ku Kamba kwavo. Rimwe zuva akadzidza nezve kuumba humambo hwaMwari akatanga kudzidzisa kereke yake pfungwa idzi. Akakuridzira kereke yake nevamwe kuti vatange kubatsira vavakidzani vavo, pamwe nekutsvika nzira dzinoita kuti nharaunda yavo iite zvinodiwa naMwari kuti ive.

Kereke yavo yakaita zvinhu zvakanwanda, vaipa kunevasina, vachivakira shirikadzi dzimba, vachigadzirisa migwagwa yashata, pamwe nekuvaka zvimbu, nezvimwe zvakasiyana siyana. Kereke yakatanga kukura, vatendi vaikurawo pamweya. Zvinhu zvakaipa zvakaita sekunwa zvinodhaka, pamwe nekutamba njugazvakapera munharaunda iyi. Mbijana mbijana hurumende yakaona shanduko yakanga yaunzwa namufundisi ava pamwe nemakereke aitungamirira munharaunda yavo. Nokuda kwaizvozvo mufundisi ava vakaitwa mutungamiri wenharaunda iyoyo nehurumende. Akatanga kudzidzisa avo vakanga vari pasi pake zvidzidzo zveutsanana zvine hutano

vakakwanisa kudzidza munhu wese munharaunda iyi. Iyezvino hutano wevanhu vanogara munharaunda iyi huri kushanduka.

- Chii chakaitwa namufundisi ava?
- Vakashandisa nzira dzipi kuumba Humambo hwaMwari?
- Shanduko yakava chii?
- Ndezvipi zvidzidzo zvatinowana kubva munyaya iyi zvatinokwanisa kuisa muhupenyu hwedu?

### **Vana vari kuenda kuchikoro**

Mune imwe nzvimbo huwandu hwevana vari kuenda kuchikoro hwakaderera zvikuru. Mumwe murume achiona kukosha kwedzidzo akafunga kuzama nekuita chimwe chinhu nezvazvo. Akataura nevamwe mukereke nezvedambudziko iri akaunganidza chikwata chishoma chaida kubatsira nekushanda kupedza dambudziko iri. Vakatangira kufamba mumba imwe neimwe vachikurudzira mhuri kuti dziendese vana kuchikoro. Nokuda kwaizvozvo vana vemunharaunda vakaramba vachienda kuchikoro. Vakuru vezvedzidzo mune dzimwe nzvimbo vakaona zvaitika munharaunda iyi vakamukoka kuti aende kune dzimwe nzvimbo achikurudzira vabereki kuti vaendese vana kuchikoro. Zvino havasi vana vemudunhu make chete vava kuenda kuchikoro asiwo nevemumadunhu akapoterredza vava kuenda kuchikoro.

- Murume uyu ari kuvaka Humambo hwaMwari nenzira ipi?
- Zvakfanana neizvi zvingaitikewo mudunhu redu nenzira ipi?

Tose tinokwanisa kuva munhu anounza shanduko munharaunda dzedu. Vanhu ava vanga vasina kukosha kana kukomborerwa zvakapfurikidza. Vaingovawo vanhu vanenge ini newe. Vamwe vaive nefundo shomanana asi vachishuvira kuita nepavanokwanisa kuvaka huMambo hwaMwari munharaunda dzavo.

### **Ungave muvaki wehuMambo sei**

---

Mwari anokwanisa kuita chose chaangade. Anokwanisa kuvaka huMambo hwake isu tisipo. Asi hausihwo hurongwa hwake, hurongwa hwake ndehwekutishandisa mukuvaka huMambo hwake. Kuvaka huMambo hwaMwari kunotanga nesu. Verenga zvole ugopa vadzidzi chinyorwa 5.3. Vakumbire kuti vari mukunamata vangapindure kuti.

#### **Govera chinyorwa 5.2 – Kuva muvaki wehumambo**

##### **1. Ngazvitange newe**

Nhanho yekutanga mukuona HhuMambo hwaMwari hwavakwa muupenyu hwako, mumhuri yako, mukereke yenyu munharaunda yenyu uye munyika yose kutanga wazvishoropodza. Unoda kushandiswa naMwari here? Unoda kuteerera Mwari muhupenyu hwako hwese here? Ndechipi chinhu chimwe kana zviviri zvaungashande kuti zvivandudzike muhupenyu hwako svondo rino?

##### **2. Dzidzisa nekukurudzira mhuri yako**

Pauchatanga kushandisa huMambo hwaMwari muupenyu hwako hwose unofanika kutanga kukurudzira mhuri yako kuita zvimwe chetezvo. Sezvatinooverenga tinofanika kunge tichidzidzisa mhuri dzedu nguva dzose (Dhute. 6:7) zvisinei kuti ndechipi kana chipi tirkkuita. Tsvaga nzira dzekudzidzisa nadzo mhuri yako nezvaunoita, kupfurikidza nekutaura navo, uye kutsvage nzira dzekuti vangabatsirewo sei vamwe.

Rangarira izvo watsidza kuita muchidzidzo chino munzvimbo ina dzose kuti ubatsire mhuri yako kukura.

### **3. Kumbira Mwari kuti akushandise kubata vamwe**

Tanga kunamata uchikumbira Mwari kuti akubatsire kuti zvaunoita zvibate vamwe. Tsvaga mikana. Pauri kuona vanhu vanoda rubatsiro, kumbira Mwari kuti ungavabatsira sei.

Mwari anoda chose kutibatsira kuti tivake Humambo hwake. Acharidza kwatiri nenguva yakafanira kuti tingabatsire sei zvakanaka.

### **4. Batsira vamwe**

Iva uchiita Basa reRudo uye tsvaga dzimwe nzira dzekubatsira. Nyangwe uchinzwira kuti hauna zvizhinji zvaungaite unofanika kushandisa matarenda ose awakapiwa naMwari kubatsira. Apo uri kubatsira unotanga kukura pamweya uye uchaona kuti pane zvakanaka zvaunogona kuita.



# Chidzidzo Chechitanhatu: Basa reKereke Role Mukuvaka Humambo HwaMwari

## Zvinangwa Zvikuru

1. Kunzwisisa kuti kereke inofanika kuva mubishi rekushandura nharaunda kuti ifanane neHumambo hwaMwarito.
2. Kunzwisisa kuti mukereke munhu oga oga akakosha uye munhu wose anfanika kunge ari kuvaka Humambo hwaMwari.

## Zvokushandisa

1. Nhengo dzemuviri dziri pamakadhi

## Nhanganyaya

---

Muchidzidzo chapfuura tatarisa chiitiko chekushandurwa — matangire ainoita nedungamunhu, yopinda mumhuri, munharaunda uye munyika yose. Zvakadaro, pane imwe nhengo yakakosha: kereke.

Kuti muono mukuru uyu ubudirire, hurongwa hwaMwari ndehwekuti kereke ive nechinhanho chakakosha muchiitiko cheshanduko.

Verenga VaEfeso 1:22-23

- Ndechipi chinhanho chekereke?
  - Kuzadzikisa basa raJesu

Verenga VaEfeso 3:10

- Mwari ari kushandisa chii kuti uchenjeri hwake huonekwe?
  - Kereke


Mavhesi aya haanzwisike nguva dzose asi anotirangaridza kuti Mwari akapa kereke chinhanho chakakosha mukuvaka Humambo hwake. Kereke ndiwo muviri waKristu. Chinhanho chekereke kuzadzikisa basa raJesu, ichiunza kuwadzana kwezvinhu ZVOSE.

- Chii chingaitika kana kereke ikavharwa? Vasinganamate vari munharaunda yako vangatsutsumwa? Nemhaka yei uye nekuda kwei vasingatsutsumwe?

Kereke inofanika kuva neudzamu munharaunda zvekuti vanhu venharaunda vatsutsumwe kuona kereke yabuda munharaunda.

Regai tidhirowe mufanikisokubva muchidzidzo chekumashure neimwe nzira. Ngatitangei nedungamunhu, kwouya mhuri, tozoti nharaunda, uye nyika. (Dhirowa pachidziro.)

Basa rekereke kubatsira pachiitiko ichi. (Dhirowa kereke pakati.) Tinofanika kuumba vanhu tovabatsira kuti vashandure mhuri dzavo, nharaunda, etc. Tinofanirawo kutsvaga nzira dzekubatsira mhuri nenharaunda kuti zvine zvazvakatarisirwa naMwari.



## Kuvandudza Dungamunhu

**Zviga:** Ipa vanhu vakasiyana vari mukirasi makadhi ane mifananidzo yenhengo dzemuviri dzakasiyana siyana (Mufananidzo X).

- Ndeapi asina basa, kana asina kana zvaanoshanda?
- Ndedzipi nhengo dzemuviri dikisa?
- Chii chingaitike takabvisa nhengo diki diki?
- Takaparadzanisa nhengo idzi dzose muviri ungashande here?
- Ipa mienzaniso wekuti dzimwe nhengo dzoda dzimwe kuti dzishand mushe.
- Muviri ungashande zvakanaka sei takabvisa dzimwe nhengo?

Ita kuti vanhu vemuchikwata vakasiyana vatsvete makadhi avo pasi.

- Muviri wave zviri nane here manje?
- Takarasikirwa nenhengo idzi chii chinoitika?

Ita kuti vadzidzi vasarudze nhengo dzakakoshesesa voisa dzimwe dzose pasi.

- Muviri ungashande mushe here manje? Nemhaka yei isu tasara nenhengo dzakakoshesesa?

## I VaKorinde 12:12-20

- Mumuviri nhengo imwe neimwe ine basa. Kereke inofanika kunge muviri — nhengo yose yekereke inofanika kunge ine basa mukuvaka HuMambo hwaMwari. Hapafanike kunge pane nhengo dzisina kana basa. Nhengo imwe neimwe iri kuita basa rayo rakakosha here? Pane vanhu here vekuti vakarega kuuya kukereke hazvingave kana chazvingakonzera mukuitwa kwekereke kana kufamba kwemapoka akasiyana siyana emukerekereke.
- Chikamu chingani kubva muzana chekereke chine zvachiri kuita mukereke? Chikamu chingani chemuviri chisina zvachiri kuita kana chisiri kushandiswa?
- Uchifungidzira chikamu chevadzidzi chingaenderana nehuwandu ngavaise makadhi avo pasi.
- Dai muviri wako unechikamu chakadaro chisinghande zvaimira sei? Chingavawo chokwadi kukereke here? Kereke ingazoshanda zvirinane chikamu chikuru chikashanda here?
- Tingatanga kuitei kuti tigadzirise dambudziko iri?

## Sei Munhu Wose Achifanika kunge Ane Chekuita?

---

Verenga VaEfeso 2:10.

- Takaponeswa kuti tigoiteyi?
- Vanhu vose vakaponeswa vari kuita mabasa akanaka here kana kuti vamwewo zvavo?
- Munhu wese mukereke menyu ari kuita mabasa akanaka here?

Verenga nyaya Mufananidzo Wematarenda (Matewu 25:14-30)

- Paunoverenga mufananidzo uyu unofunga zvinoratidza kuti pane makristu asingafanike kushandisa materanda kuvakahuMambo hwaMwari here?
- Vatendi vose vemukererke vari kushandisa matarenda zvakazara here?
- Tingabatsire sei vanhu vakawanda kuti vashandise matarenda avo zvakazara kuvaka huMambo hwaMwari?

Kuvaka huMambo hwaMwari TOSE tofanika kushanda pamwe chete. Nyangwe munhu mumwe achikwanisa kuvaka kachidimbu kehuMambo hwaMwari, panotanga kereke yose kurarama sezvinodiwa naMwari muhupenyu hwavo hwose uye kubatsira vamwe kuita zvimwe chetezvo, tinokwanisa kuvaka HuMambo hwaMwari zvine hudzamu. Funga kuti munhu wese mukereke akatsungirira kuona kuda kwaMwari kuchiitika muhupenyu hwake, mukereke, uye munharaunda. Zvingava nesimba rakadii kukereke uye munharaunda.

VaEfeso 4:11-12:

- Basa revatungamiriri ndereyi (maapositora, vaporofita, vavhangeri, vafundisi uye vadzidzisi)?
- Mumakereke akawanda zvinonzi 10% yevanhu inoita basa rinosvika 90%. Ichokwadi here? Tingazvichinje sei?
- Tingave nane sei mukuvaka vamwe kuti vaite mabasa ekubetsera?

Zvinowanonzvi avo vanodzidza zvikuuya kukura kukura ndivo vanobatsira vamwe. KuIndonesia kwaive nemamishonari aishanda nevechidiki. Nyangwe zvazvo vaivadzidzisa svondo roga roga, vakarwadzikana nekusasimba kwemaKristu uye kukura kwavo zvishoma nezvishoma. Vakazofunga kuti vechidiki ava vaifanika kudzidza vachiita basa, saka vakaisa mutemo wekuti avo chete

vaizowanika vachiita rimwe remabasa aroidzidza ndiye aizopinda muchikoro. Vazhinji vacho vakatanga kuita mabasa akawanda wanda. Vakaita zvose kusanganisira nekushanyira mhuri yaitambura munharaunda, kudzidzisa vana vevanoshaya, uye kubatsira muhushumiri hwevana vadiki. Mimwedzi mishomanana vechidiki vakatanga kukura mukutenda kwavo. Zvino vainge vava kuverenga bhaibheri nekunamata. Vainge vava kuda kuvimba naMwari mukubatsira vamwe.

### **Hurukuro Muboka Guru**

- Chii chakaitika munyaya iyi?
- Vechidiki vakatanga kubatsira nenzira dzipi?
- Makamboonawo here vanhu mukererke vachikura pamweya pavanotanga kubatsira?
- Mukuona kwenyu sei vachikura pavanotanga kubatsira vamwe mukereke?

### **Kushandura Mhuri**

---

Kereke inokwanisa kuva nechinhango chekubatsira mhuri kuti dzirame sezvadzakatarisirwa naMwari nekudzidzisa vatendi kuti vangave newanano dzakasimba sei, kukudza mhuri zvakanaka uye kupa mhuri mukana wekunamata nekubatsira pamwechete. Kereke inofanira kutsvaga mikana yokuti vanhu vabatsire mhuri dzavo uye kuti mhuri dzirame sezvinodiwa naMwari.

### **Kushandura Nharaunda**

---

Sekereke tinokwanisa kubata nharaunda yatigere zvine mutsindo nenzira dzakawanda. Nzira nhatu dzakakosha dzingakonzeresa shanduko munharaunda:

#### **1. Wedzerai huwandu hwemakristu**

Izvi hazvisi zvakangofanana nekuti kereke yakura aiwa. (Togona kuita izvi nekungoba vatendi.) Kuwedzera huwandu hwevatendi zvoreva kuti vanhu vasiri makristu vakawanda vari kuziva Mwari nekugamuchira Ishe Jesu samuponesi wavo. Kereke dzine basa guru rekubatsira vanhu kuti vanzwisise ivhangeri uye kukudza vatendi vatsva.

#### **2. Dzidzisa nharaunda kurarama ichiteerera Mwari**

Sezvatakadzidza, Mwari akatisika uye anoziva zvakanatsotinakira. Akatsanangura pachena mararamiro atinofanika kuita muBhaibheri. Tinokwanisawo kudzidzisa vamwe hwaro hwekurarama nemitemo yeBhaibheri. Sekereke munokwanisa kutanga kutsvaga mikana yekubatsira vanhu kuti varame mukuteerera muhupenyu hwavo hwose.

Chero avo vaseyi nechikristu vanogona kufarira kudzidza nezvehutano, kuva newanano yakasimba kana kubata mari zvine hungwaru. Dzidziso dzakadai dzinobatsira vanhu paviri, kuvandudza hupenyu hwavo vachirarama nemitemo yemuBhaibheri uye kubatsira kuvaka hukama hwakanaka pakati pevahedheni nekereke.

#### **3. Kubatsira nharaunda kurarama sezvinodiwa naMwari kuburikidza nekubatsira**

## MUMABOKA MADUKU

Pindurai mibvunzo inotevera:

- Matewu 20:28 – Sei Jesu akauya?
- Vafiripi 2:4-9 – Pauro anotsanangura Jesu sani?
- Jesu akauya kubatsira. Chokwadi, panonzi neBhaibheri, “kunyange akananga akafanana naMwari,” zvinogona kunzi, “**nokuti aiva Mwari**, haana kuti kuenzana naMwari ndechinhu chinofanira kubatisiswa; asi wakazviita usina mature, akazvitorera chimiro chomuranda.” Pafunge, nokuti aiva Mwari akazviita asina maturo, akatora chimiro chemuranda. Unhu hwaMwari ndehwekubatsira. Sekuti kereke muviri waJesu, chimiro chayochinofanika kunge chiri chekubatsirawo futi.
- Jakobho 1:27 – Chinamoto cherudzii chinofadza Mwari?
- Marko 12:31 – Mwari anotisungira kuti tiiteyi?

Rudo rwatinarwo kuna Mwari nemuvakidzani runofanika kutisunda kuti tibatsire. Nenzira imwe cheteyo Kristu akauya kubatsira, basa rekekereke kubatsira kuburikidza nekuti vanhu vazive nekukura muna Kristu nekuzotaridza rudo rwake kune vamwe.

Apo tiri kubatsira nharaunda dzedu tichaona dzichishandurwa. Vernga nyaya inotevera yenharaunda yakashandurwa apo kereke yayiita basa.

## Chikoro chemunharaunda

Kagishu, kadhrobha kenhando kana kane dzimba zvimatangwena zvakagadzirwa nemarata akaraswa nemapuranga akadambuka dambuka kane kereke ine vanhu gumi nevashanu. Kereke iyi yakakokwa kuita musangano weHushumiri Hwakakwana yakasarudza Meshack mukomana ane makore makumi maviri nerimwe kuti aende kumusangano. Meshack akadzoka va nemuono: “Ndakadzidza kuti kuteerera Mwari haisi sarudzo, kunoda kutitwa!” Zvino Meshack, Dismus (mutngamiri), mufundisi nemudzimai wake vakanamata vachikumbira Mwari avaratidze hurongwa hwavangaitira nharaunda yavo kuti vagoratidza rudo rwaMwari munharaunda. Mhinduro yakauya: chikoro chevechidiki mukereke.

Muchinguvacho vakatanga kutaura nevabereki mukereke vaisakwanisa kuendesa vana kuzvikoro nepamusaka pemari. Vane chitsama vakabvuma kuunza vana “kuchikoro chitsva” Pasina kufundira, Meshack, mufundisi nemudzimai wavo vakatanga kudzidzisa vana gumi nevatautu vane makore aiva pakati pematanzhatu negumi nemaviri mune imwe imba yepakereke musina kana matafura, mabhuku kana zvimwe zvekushandisa. Vanhu vemudunhu vainge vasingade nezvechikoro ichi vakauya husiku kuba zvinhu muimba iyi. Muhoro waMeshack wepamwedzi wakazouya mumwedzi wechinomwe atanga — dhora rimwe rekuAmerica rakabhadharwa semupirouye muripo wechikoro.

Meschack naDismus vakakoka vana vemumamana chikoro chikakura. Munguva shoma vana vange vava makumi mana nevashanu vemazera akasiyana siyana vachidzidza muimba imwe. Mumwedzi wechitanhatu mudzidzisi wechipiri akzvipira kuabatsira pasina muripo, wechitatu mumwedzi wechinomwe. Nevana zana vadzidzisi vaidzidzisa vakafuratirana vakamira pakati pemba vakataisa vana vavo. Munguva shoma vavikidzani vavo vakabuda mune imwe imba chikoro chakawana imwe nzvimbo. Mumakore maviri chikoro change chane zvakwa zviviri, nedzimba gumi dzaigona kushandiswawo nekereke kunamatira nesvondo. Mugore raitevera chikoro chakatenga munda

nechivakwa paKawangware yaiva pedyo chakabva chatoenda kunoshandira ipapo. Mugore rechitanhatu pange pave nevadzidzisi gumi nevanomwe vaibhadharwa, vashandi vamwe vashanu nevana vane mazana mana ane makumi mana nevashanu (445).

Iyi ingori nhoroondo yekutanga yenharaunda iyi, chikokoro nekereke. Nokuda kwebasa iri pave nechikoro chesekendari mudunhu riri mudhuze chine vana makumi matanhatu nevadzidzisi gumi. Imwe kereke yakatangawo chikoro chavacheche makumi maviri nokuti vana amai vach vave kuenda kumabasa. Kereke yokutanga yakakura kusvika pavanhu makumimatanhatu ikazvara imwe futi yatova nevanhu makumi mana. Zvakare kereke idzi dzikadyara mamwe makereke maviri maviri.

Makore matanhatu kereke duku duku nevateendi yateerera nekuzvipira pava kuoneka shanduko hombe munharaunda nemumakereke emudunhu. Zvechokwadi shanduko muKagishu yakazadziswa nevanhu vemunharaunda apo vakati nharaunda yavo ichinjwe zita kubva kunzi Kagishu (zvinoreva kuti “bang”) kuti ichinzi Ruita (zvinoreva “Kubvisa zvinokuvadza”).

### **Hurukuro Muboka Guru**

- Chii chakaitika munyaya iyi?
- Kereke yanga yakakura sei?
- Zvavakaita zvavo zvakaunza chii?

Mune rimwe dunhu yaive tsika yavo kuti kana zvirimwa zvokohwewa vanhu vemudunhu vaiwungana vachibatsirana kukohwa muminda. Zvakachadaro, uyo ainge ane munda uri kukohwewa aizopa vanhu venharaunda vaibatsira kukohwa kudya nekunwa kukuru mazuva avaibatsirwa ose. UnfortunatelyZvaipisa hurombo kuti mutengo wechikafu chaidyiwa zvaizoreva kuti uyo aibatsirwa aizosara asina goho svinu nekuda kwaizvozvo.

Kereke yakafunga seBasa reRudo kuti yaizobatsira vamwe vemhuri dzaitambura munharaunda kukohwa pasina chikafu kana muripo. Kerek yaizounza chikafu chayo panguva yekudya. Apo vamwe vemunharaunda pavakatanga kuona mabatsirirwe ayiitwa varombo nekereke vakabva vatanga kubatsirana pachavo pasina zvekuda kupiwa kudya nekumwa kukuru.

Mazuvaano vanhu vose vakungobatsirana kukohwa pasina kana muripo. Hapana anobvisa kana hwahwa kana zvokudya. Varimi vava kukohwa pakuru zvine muraudziro, naizvozvo vose vava nekudya kwakavakwanira mugore rose.

- Kereke yakaitei kubatsira nharaunda?
- Zvakakonzeresa chii? Ndezvipi zvazvakachinja munharaunda yose?

### **HURUKURO MUBOKA DUKU**

- Ndezvipi zvezvimwe zvinhu zvingaitwa nekereke yedu kubatsira nharaunda?
- Ko kereke yedu ingabatsire sei vanhu kuti vararambe sezvinodiwa naMwari?

# Chidzidzo chechinomwe: Hurongwa hweshanduko yechokwadi

## Zvinangwa Zvikuru

1. Hurongwa hweshanduko yechokwadi inyaya yekubatsira makereke kushandura nharaunda dzavo.

## Zvekushandisa

1. Muono wehurongwa
2. Mufanikidzo wekereke inoshandura nharaunda
3. Misoro yedzidziso Dzichauya

## Nhanganyaya

---

Iva nevanhu vaviri vazvisarudza vamire mativi maviri etafura. Vakumbire vadhonze tafura iyi mativi maviri akapesana. Kwapera mineti rimwe kana maviri, chiavakumbira vaitakure vachienda kumwechete.

- Ndezvipi zvange zviri nyore— kuenda kumwechete kana kudhonza muchipesana?

Muzvidzidzo zvishomanani zvekupedzisira tataura nezve humambo hwaMwari. Chishuwo chedu seboka ndechekuda kubatsira kuvaka humambo hwaMwari pano pasi. Muono wedu pagungano rino ndewekuti (simudza posita kana kuti nyora pachidziro):

### ***Kubatsira Kereke kuti Ishandure Nharaunda***

Muono wedu ndizvo zvationoda kuona nekuda kwekuti tashandidzana nemi. Pauri kuteerera, funga kuti chinhu chaungadawo kupinda mazviri here. Rangarira muenzaniso wetafura. Zvange zviri nyore papi? Vanhu pavange vachienda divi rimwe. Zvakafanana nekushandira pamwe. Kana tikazama kubuda nezvinhu zvakasiyana, zvino tichaguma tafizurana uye hatingashandidzane zvakanaka. Takawirirana pachinangwa chekuvaka Humambo hwaMwari zvino tave kudhonzerana divi rimwe. Tichabatirana zvakanaka.

## Muono wehurongwa

---

### **Kubatsira Kereke kuti Ishandure Nharaunda**

## Kubatsira Makereke

---

Sezvataurwa muchidzidzo chapfuura, kereke ine basa guru mukuvaka huMambo hwaMwari. Kereke inopa muono, kudzidzisa nekubetsa vanhu vanoita basa. Tinoshuvira kubatsira makereke kuti azadzikise basa rawo. Hatisi kuzama kutora basa rekereke kana kuita saiyo (taridza posita 5).

Kubatsira kereke hazvirevi kuti:

1. Tine mhinduro dzese—nzvimbo imwe neimwe nemamiriro ayo akasiyana nedzimwe. Tichange tichidzidza tose kuti tingabatsire sei nharaunda yenyu.
2. Makapfupikira kana kuti hamuzvikwanise — tose tine matarenda akasiyana, zvatakadzidza uye zvatinokwanisa. Uchishandisa zvose zvawakapiwa naMwari, unogona kushandura nharaunda yako. Tichakuunzirai pfungwa nemamwe mashandiro amaungangodawo.
3. Tinoziva zvichaitika—iyi ikereke yenyu nenharaunda yenyu. Ndimi munotonyatsoziva zviri kuda kuitwa. Nenzira imwe cheteyo takaunza Mabasa Erudo, tichaunza dzimwe pfungwa. Zvakadaro, sepaMabasa Erudo, hatikwanise kunongedza kuti itai ichi chaicho. Imi munosarudza hurongwa hunonyatsoenderana nedunhu renyu.
4. (IZVI ZVAKAKODZERA POSE POSE UYE ZVOGONA KUDARIKIRWA) Tiri kutanga sangano kana kuti toda kuchinja sangano. Zvakepesa ndicho chokwadi. Tinovimba hamufanike kuchinja sangano or kupesana nehutungamiriri. Tarisa uwone zvakaitwa naDhahvidhi kuna Sauro: Dhahvidhi akagara achiridzira magitare kuna SAuro nyangwe apo aida kumubaya namapfumo. Paanga ave parumananzombe akauda kuurawa ndipo akatiza OGA. Haana kuzama kuda kutora chigaro chaSauro kana kutsvaga vekuenda navo nyangwe zvavo Mwari ange amuudza kuti ndiye achava mambo. Paakapuwira mukana haana kuuraya Sauro akamuregera achirarama.

Tinokurudzira vanhu kuti vateedzere muenzaniso waDhahvidhi. Nyangwe uchifunga kuti mutungamiriri wako haabatsire unofanika kuramba uchimushandira uye kumunamatora. Kana zvinhu zvakaomesesa unogona kubva, WEGA. Usabude nemumwe munhu kunze kwemudzimaimwako nevana. Haikona kubaya mutungamiriri wako wakare. SADhahvidhi tinofanika kutya chero kutaura chakaipa pamusoro pevatungamiriri vedu.

Sevatungamiriri vekambani ino tinorwadziwa nemaitiro emakereke nevatungamiriri masiire avanoita makereke vachitanga avo chopu chopu. Hationi zvichifadza Mwari. Hatidi zvechokwadi kuchinja masangano. Zama kuva Dhahvidhi mutendeke kuvatungamiriri venyu chero zvichinge zvakaoma. Izvi zvinkudza Mwari.


Sesangano rakazvimirira roga hatiite fevha kune ripi sangano kana kunamatirana nerimwe sangano. Tinoshanda nemasangano akawanda akasiyana siyana. Hutungamiriri hwedu hunobva kumasangano akatosiyana siyana. Tinoda kuona makereke akawanda achiva zvinodiwa naMwari. Tinobvumira kuti Mwari anokwanisa kuvaka Humambo hwake achishandisa masangano akasiyana siyana.

**Zvinorevi:**

1. Tichakudzidzisa kushandura nharaunda yenyu. Hatisi kuzotumira vashandi vedu kuti vashandure nharaunda yenyu. Tinobvuma kuti kereke ndicho chombo chekuudza ruwadzano saka tinoda kubatsira imi muchitevedza zvodiwa naMwari nenzira iyi.



2. Muono nehurongwa hwako. Tichaunza pfugwa zhinji, kasi zviri kwauri kuti ndedzipi pfungwa uye hurongwa hungashandisike pakereke penyu. Haumanikidzwe kushandisa kana imwe yadzo, nyangwe zvazvo kana kana une kutsungirira kuda kuona Humambo hwaMwari huchivakwa munharaunda mako, tinokukurudzira kuti ushandise dzose dzaungakwanise. Apo patinoshanyira makereke ane dzidziso idzi tinoona kuti avo vakashandisa pfugwa idzi pese pavaigona napo vakaona shanduko inoshamisa munharaunda dzavo. Avo vakaita zvishoma vakangoonawo mutsauko mushomanana. Zviri kwauri kuti unoda kuona chii. Kuona nharunda yako ichishandurwa harisi basa rakaoma.



## Kushandura Nharaunda

Chekutanga pamuono wedu kubatsira kereke kuti ikwanise kuzviitira basa. Chikamu chinotevera ndizvo tinobatsira kereke kuita: Kushandura nharaunda dzavo.

### Shandura

- Munofunga tinoshandisirei mashoko ekuti shandura? Kushandura zvinomboreveiko?

Kana chimwe chinhu chashanduka, chinochinja zvachose zvekuti hachikwanisa kudzikera kwachakabva. Semuenzaniso, funga pamusoro pegonye nechipembenene. Gonye rinoshanduka kuita chipembenene. Hazvigone kuti chigochinja futi. Kushanduka pachokwadi and hakudzokereki. Todawo kuona shanduko munharaunda. Toda kuona nharaunda dzashanduka zvamuchose kuti dzirame sezvinodiwa naMwari uye dzisingadzokere kune zvadzaiita mumakore mashoma anotevera.


## Nzvimbo Dzinoshandurwa

### MUMABOKA MADUKU

Bvunza boka rimwe nerimwe kuti rifunge shanduko yavanoda kuona ichiitika munharaunda takatarisana nemisoro inoti — mumweya, mukugarisana, mupfungwa uye panyama — zvingauya nekuda kwehurongwa huno. Rangaridza chikwata kuti nyaya yekugarisana ine hukama nekuwadzana semuenzaniso muwanano, mukukudza mhuri, hukama hwevavakidzani, kubatana, etc. Zvepanyama zvinosanganisira zvinhu zvakaita semari, basa, hutano, etc. Vanogona kutarisa kupfungwa dzavamboburitsa muchidzidzo 1.

Kana mapoka apedza ita kuti boka rimwe nerimwe riparure zvarawana. Pane here nyanyorwa nemapoka ose kana kuti akawanda acho? Chii?

Isa mufananidzo unotevera pachidziro. Udza chikwata chitange kutarisa pamisoro yenyaya yakanyorwa pazasi pepakanzi mukugarisana, mupfungwa, panyama uye mukugarisana. Tarisa chimwe nechimwe muchikurukura mibvunzo miviri iyi pamusoro wega wega.



### Hurukuro Muboka guru

- Chii chakasiyana pazvinangwa zvamagadzira nezvinangwa zvatataura?
- Pane zvinangwa zvatataura here zvakushamisa kana zvauri kupokana nazvo?

Kana watarisa zvinhu zvina izvo zvose itai hurukuro:

- Wakatarisa zvinangwa zvawanyora nezvatanyora unoona here pane kakufanana kanokugutsa kangaite kuti tishande tose?

## Maitiro

---

Ichi chironywa chekudzidzisa vanodzidzisa. Hatpe makereke mari yekuzoitisa chironywa ichi. Sezvatichadzidza muguva inotevera, mhaka tiri varombo hakusi kushaya zvekushandisa. Mabudiro atichaita muhrombo haasi ekupiwa zvinhu. Ukatarisa hupenyu hwaJesu, anga asina chekupa panyaya yezvinobatika. Sezvakataurwa naPetro Mabasa Avapostora 3:6, “Sirivheri nendarama handina, asi icho chandinacho ndicho ndinokupa.” Isu hedu chatinopa ruzivo nepfungwa dzatinovimba kuti dzinobatsira nharaunda yenyu kuti iswedere pedyo nezvinodiwa naMwari kuitive. Tinovimba kuti kudzidza kwatiri kuita, kuzvipira kwenyu uye kuedza kwenyu, nesimba raMwari rinoshamisira rekuwedzera richaunza shanduko munyika yedu.

Tionpa kudzidza uku kune munhu upi neupi ari mukereke kuti tibtsire nepfungwa uye hunyanzvi hwamungade kuunza shanduko kunharaunda dzenyu.

## Misoro YeZvatichadzidza Mberi

---

Simudza posita rechinomwe (7) rinoratidza misoro yezvatichadzidziswa. Tsanangura kuti iyi misoro yezvatiri kuronga kuti tichadzidzisa nyangwe zvazvo pane zvogona kuzochinja.

Bhuku 3 – Manyepo aSatan anotibata Sei uye Ungamakurire Sei

Bhuku 4 – Hutano

Bhuku 5 – Wanano neMhuri

Bhuku 6 – Mabatirwo Emari

Bhuku 7 – Munyu neChiedza

Bhuku 8 – Zvekurima

Bhuku 9 – Kuparidza Vhangeri

Bhuku 10- Kurarama Sezvinodiwa naMwari

Mimwe yemisoro iyi inenge, Hutano, Wanano neMhuri, Zvekurima uye Mabatirwo Emari — zvinosanganisira kudzidza muri mumaboka madiki zvingaitika nekereke nenharaunda. Pamunonga muchidzidza chimwe nechimwe, tinozokufundisa kuti mungashandisa sei pfungwa idzi kukereke nemunharaunda. Tichakupai dzimwe pfungwa dzamungagone kushandisa.

# Chidzidzo chechonomwe: Nhanho Dzichatevera

## Zvinangwa zvikuru

1. Tinofanika kuva nehurongwa uye kuva nechinangwa pabasa redu.

## Zvekushandisa

1. Bepa 8.1 Hurongwa hweBasa Rerudo

## Sei Kuronga Kwakakosha

---

Murimi ainzi VaLim akabuda kundogadzira munda kuti azorima asi achiri munzira akarangarira kuti mudzimai wake ange amuti azopa huku chikafu saka akadzokera kumba akatora chikafu akanopa huku. Ari kupa huku chikafu akatarisa churugu chembudzi akaona chaida kugadzirwa akatanga kunetsekana kuti chakasagadzirwa ipapo ipapo mbudzi dzaizotiza. Akabva aenda kumba kundotsvaga waya yekugadzira churugu. Sezvo akange asina midziyo yakakwana yekugadzirisa akaenda kumuvakidzani wake VaSon akakumbira zvekushandisa. Zvino zvaakange atoshanyira VaSon akada kutora chinguva chishomana kutaura naVaSon panyaya yavo yekupindana nezvakaoma muhupenyu hwavo nokuti vaienda vose kuchechi.

Nenguva dza11:30 mudzimai waSon akavakumbira kuti vadye kudya kwamasikati navo. Achitarisa nguva haana kukwanisa akamhanya kumba kuti abate nguva yekusvuvura nemhuri yake. Arara zvishoma mushure mekudyanaenda kunopedzisa kugadzira churugu chembudzi. Achiri kupedzisa basa iri mudzimai wake akamurangeridza kuti muchina wemvura pamugodhi waisashanda mushe, sezvo aiva nezvishandiswa zvaVaSon aikwanisa kubva angogadzira pambu yemugodhi. Mukuvira kwezuya ainge ava kuda kupedzisa kugadzira pambu. Zvakare ange atadza kusvika kumunda kuti agokwanisa kurima, asi aive nekakugutsikana kuti mangwana kuseni aizopedzisa kugadzira pambu, odzorera zvishandisiro zvaVaSon ozoenda kunotanga kurima.

- Chii chakaitika munyaya iyi?
- Zvinhu zvaakaita zvainge zvakaipa here kana kuti zvaitova nebasa?
- Chii chinoitika kwekupedzisira kana murimi uyu akaramba ane hurongwa hwakadai pamunda wake iye asiri kurima?
- Unombowanawo mazuva akadai here?
- Tingaite sei kuti izvi zvisaitike kwatiri?

Hurongwa huzhinji hunofamba sezuva remurimi uyu. Tinogara takabatikana nekuita zvakanaka, dzimweni dzenguva tichigadzira dambudziko nedambudziko kasi dzimwe nguva tisingaite zvakatikoshera nokuti tinonga tanangana netwunoda kugadziriswa chimbi chimbi. Nokudaro tozotadza kugadzirisa zvakanakosha muhupenyu hwedu. Zvinonyanyorwadza ndezvekuti humwe hupenyu hwedu huri kuita kunge hupenyu hwemurimi uyu. Takabatikana, tichimhanya kubva pane icho tichienda pane chimwe asi tisingatore nguva kunangana nezvakanyanyokosha tobva tanangana

naizvozvo. Chekutanga chatinofanika kufunga ndechekuti ndezvipi zvakanyanyokosha kuiti tinge tichiita. Tikaziva zvakakosha zvinozotibatsira kuti tiite mufungo wakanaka kuti tingashandise nguva yedu sei.

Ndezvipi zvinhu zvakakoshesa zvaunofanika kuita mimwedzi mitatu inotevera kuti ubudirire?

- Kudzidzisa vamwe – kana tichida kuti nhengo dzechечи dzakawanda dzibatsire tinofanika kudzidzisawo vamwe zvidzidzo zvatakadzidza kare.
- Kubatanidza Mabasa eRudo – tinofanika kuramba tichiita Mabasa eRudo nguva nenguva.
- Ngatisangeneyi nguva dzose.

## Misangano

---

Unofanika kusarudza boka rekuungana nanro nguva nenguva muchironga Mabasa eRudo. Zvichida ikomiti yechechi uye zvinogona kungoitika panguva iyo chechi komiti yagara ichisangangana kunge yange ichisangana kaviri kana katatu pamwedzi.

- Ndezvipi zvamungaite apo munosangana?
  - NAMATAI – isimba raMwari chete ringaite kuti nharaunda yedu ishanduke. Tinofanika kupedza nguva mumunamato kana tine shungu dzekuona nharaunda ichishandurwa.
  - Itai sarudzo dzemamwe Mabasa eRudo matsva.
  - Fungai mifungo yezvimwe zvamungaite kubatsira nharaunda yenyu.

Pamisangano yenyu munofanika kutora nguva muchinamata uye kukurukura zvingadiwa munharaunda. Namatai kuti mungabatsire here uye sei. Pamusoro paizvozvo torai nguva kuongorora Basa ReRudo ramakamboita muchiona kuti chii chakafamba zvakanaka kana chisina. Zvibvunze kuti ndezvipi zvaungaite nemutso wakasiyana munguva ichatevera.

## Mabasa eRudo

---

Tarisa mifananidzo yenharaunda yako yawagadzira muchidzidzo chekutanga.

Wakataridza mifananidzo yose, donongodza zvose zvihome zvaungachinje kuti mufanikidzo uve wechokwadi.

Namatayi seboka kuti mungatange sei kuti zvamachinja zviitike pachokwadi. Sarudzai chimwe pane zvamachinja moita hurongwa hweBasa eRudo pamwe chete kuti hubudirire.

Ongorora bepa rine hurongwa hweMabasa eRudo (papegi inotevera) mobva magadzira hurongwa hwacho.

## Nhanho Dzekuronga Mabasa eRudo

### Nhanho Yekutanga: Munamato

Chekutanga kuita kunamata. Tora nguva zvino uchinamata. Kumbira Mwari akuratidze zvaungaite seBasa reRudo.

### Nhanho Yechipiri: Kusarudza Basa rekuita

Seboka sarudzai zvamungaite kutaridza rudo rwaMwari. Tarisa dzimwe dzepfungwa dzamamboshandisa Muchidzidzo Chekutanga mowirirana zvamunonzwa Mwari achikutungamirirai kuita.

Muchinge masarudza musoro wenyaya, wonai kuti chinhu chamungaite muzuva rimwe kan maviri. Kana zvisingaitike, rongai kuita nhanho imwe kana mbiri dzechirongwa ichi?

### Nhanho yechitatu: Sarudza zvinodiwa

Nhanho inotevera ndeyekutanga kuronga. Chekutanga kusarudza zvinodiwa pahurongwa – vanhu vakaita sei vanodiwa, zvingashandiswe ndezvipi, mvumo dzingadiwa kutsvagwa, etc. Kukubatsira kufunga pane izvi, unogona kushandisa bepa rekushanda ririr mubhuku remudzidzi. Uchinge wazadzikisa koramu yokutanga nezvose zvaungada kushandisa, unokwanisa kuchiona kuti ndiani achatungamirira chii uye chichipera rini.

### Nhanho yechina: Nyora hurongwa Pasi

Uchunge waronga zvose zvingade kuitwa, wave kukwanisa kunyora hurongwa hwako nemazuva ahwo uchiziva kuti chakati chinoitwa nanhingi chichipera musi wakati. Sarudza munhu mumwechete achatungamira hurongwa hwose. Munhu iyeye ndiye anofonera vanhu achivaudza kuti mangwana uri kuita zvokuti nezvokuti uye kuona kuti zvazoitwa here, uye kuona kana pane matambudziko kana kuti vanhu vachida rubatsiro.

### Nhanho Yechishanu: Munamato

Uchinge wapedza kunyora hurongwa hwose pasi tora nguva zvakare kunamata. Kumbira Mwari kuti CHIitiko chibudirire uye kuti chive nepundutso kakapetwaand, zita raMwari rigorumbidzwa. Pasvondo kana maviri anotevera uchigadzirira Basa rako reRudo unofanika kunge uchinamata kuti Mwari akubatsire muhurongwa hwose.

### Nhanho yechitanhatu: Ita Basa reRudo

Nhanho inotevera kuita Basa reRudo rawakaronga. Tanga zuva nemunamato woisa zvinhu zvose mumaoko aMwari. Rangerira kuti uri kuitira izvi kuratidza rudo rwaMwari kunharaunda yako. Zama kuramba une maonero anowirirana nechinangwa ichi.

### Nhanho yechonpmwe: Wongororo netsananguro

Chinhu chekupedzisira kuongorora nekupa tsananguro. Sei tichiongorora. Nokuti zvinotibatsira kudzidza. Tinokwanisa kufunga zvatakaita zvirinani, uye neparikuda kuvandudzwa nguva inotevera. Hazvidi kutaura nguva yakareba; munokwanisa kutora nguva shoma kukurukura mibvunzo iyi:

- Ndezvipi zvakaitwa zvirinani?
- Ndezvipi zvisina kuitwa zvirinani?
- Ndezvipi zvamunokwanisa kuvandudza pakuronga kwenyu?
- Mhinduro ndiyo yamange makatarisira here? Kana zvisirizvo, sei zvakadaro?
- Mwari vakarumbidzwa here?

Mudzidzisi ane bepa rekunyorera zvakaita. Sei tichitaura zvaita? Muna Mako 6:30 tinoona vadzidzi vachitaura kuna Jesu zvose zvavakaita. Tinotaura nekuda kwekutendeka nekukudza avo vakatidzidzisa nekutigadzirira zvokushandisa nevadzidzisi vedu. Kutaura kunokupa mukana wekugovedzana chapupu chako kuti Mwari vakakugonesa sei. Zvinopawo vadzidzisi mukana wekuona pakanga panematambudziko nekutsvaka nzira dzinokubatsira muneramangwana